

Taxistanan no ta descarta mas accion di protesta contra maneho nobo



Pagina 3

- **BuddyLove ta cuminsa un era musical nobo cu Icons di Corsou**
Pagina 2
- **Accion21 cu pregunta na MinPres riba cambio di ley, censo, DWJZ, eleccion y competencia**
Pagina 4
- **Gobierno di Aruba a firma presupuesto 2025**
Pagina 6

Princes Laurentien ta renuncia di fondo di restitution despues di acusacion di bullying



Pagina 9

Haiti: Varios miembro di gruponan arma morto durante operacion grandi



Pagina 11

ONU ta existi pa stop atake escalando entre forsanan di Hezbollah y Israel



Pagina 24

BuddyLove ta cuminsa un era musical nobo cu Icons di Corsou

Jair Buddy Vesprey, miho conoci como 'BuddyLove' kende ta un persona masha conoci mes den mundo musical pa su canticanan, ayera riba su rednan social a anuncia publicamente cu e ta bay retira di e agrupacion musical Buleria.

Cu un mensahe hopi emotivo, BuddyLove a expresa lo siguiente: "Feliz dia. Mi tin un mensahe importante pa comparti cu boso: Cu un mezcla di tristesa y gratitud, ami, BuddyLove, kier anuncia mi decision pa laga e grupo musical Buleria Oficial.

Despues di seis (6) aña formando parti di e famia musical aki, creando cancionnan inolvidabel y memorianan inigualabel, mi ta cla pa cera e capitulo importante aki den mi bida, cu bista riba mi desaroyo personal y profesional. Mi temporada den Buleria tabata yena di experiencia y momentonan inolvidabel y

mi ta masha agradecido pa e momentonan bunita, amistad y support cu mi a ricibi durante tur e añanan.

Mi temporada den e famia aki lo keda pa semper un capitulo importante den mi bida, y ta desea Buleria e miho den futuro. Mi decision no tabata facil, pero mi ta sinti cu e ta e paso corecto pa tuma na e momento crucial aki di mi bida. Mi no tin ningun duda cu bo(so) (amigonan, famia y fanaticonan) lo sigui hunto cu mi den cualkier paso cu mi tuma y mi ta spera cu bo(so) compronde y sostene mi decision.

Esaki ta djis e comienso di un era nobo di BuddyLove. Yegando na e parti final, mi kier expresa mi gratitud na tur esnan cu di un forma of otro a forma parti di mi aventura musical hunto cu team di Buleria y na tur mi fanaticonan, keda pendiente pa proyecto nan nobo. Mil y un danki di curason pa bo comprension y bo sosten di semper."



Aunke BuddyLove no a duna mucho detaye di kico ta trata

e comienso nobo aki, BuddyLove recientemente tabata compartiendo escenario cu

e banda musical di Corsou "ICONS" na unda ayera mes despues di e post di BuddyLove nan a yama "bonbini na e miembro di mas nobo."

Den un post riba su rednan social ICONS Curacao a publica un potret di BuddyLove cu lo siguiente: "Cu yegada di Buddylove den ICONS, nos team ta wordo fortifica cu un artista jong, moderno, y versatil cu por canta di balada, te soca, y di tumba te ritmo combina, genero musical Latino y mas aya! Buddylove su prome presentacion den ICONS lo ta den Umbrella dia 28 di september na Landhuis Chobolobo."

Por a recorda cu for di mei ya caba tabatin rumornan tocante e salida di BuddyLove for di Buleria e cual a ser desmenti pa Buleria mes mediante un post.

Redaccion di Bon Dia Aruba ta desea na BuddyLove hopi exito den su trayectoria musical nobo.

Hof y Ministerio Publico a firma convenio di reglamento di proceso penal nobo



Diaranson 21 di augustus y diabierna 23 di augustus 2024, e Fiscal General di Aruba y Fiscal General di Corsou, Sint Maarten, y di Boneiro, Sint Eustatius y Saba, hunto cu presidente di Corte Comun di Husticia a firma e Convenio y Reglamento di Proceso Penal.

Cu e firma di e acuerdo aki, pa prome biaha Hof ta haci acuerdo di trabou cu e dos Ministerionan Publico, pues e biaha aki si ta inclui Ministerio Publico di Aruba. E ultimo acuerdo tabata firma solamente cu e Ministerio Publico di Corsou, di Sint Maarten y di Boneiro, Sint

Eustatius y Saba.

E convenio aki ta establece acuerdonan riba un metodo uniforme pa e tratamento di casonan penal y capacidad di audiencia den cada sede di Hof. Den e reglamento di proceso penal, cual tambe a wordo firma pa partinan, ta elabora detayadamente to-

cante e acuerdonan di trabou. E convenio y e reglamento di proceso penal lo drenta den vigor dia 1 di september.

Mediante un comunicado, Corte Comun di Husticia ta splica cu e convenio ta enfoca specialmente riba acuerdonan tocante e provision di audiencianan na tur sede di e Hof y lo ser firma cada aña.

E firma di e convenio aki ta marca otro logro importante, no solamente pasobra e ultimo convenio ta di algun aña pasa, si no tambe pasobra e acuerdo nobo aki pa prome biaha ta wordo compaña pa un reglamento di proceso penal. Cu e introduccion di e reglamento di proceso penal, e reglamentonan di proceso cu ya ta existi pa casonan civil y derecho administrativo, ta wordo completa.

Hof ta remarca cu e reglamento di proceso penal tin como obhetivo trece uniformidad den e manera di trata casonan penal pa Husticia, Hof y Ministerio Publico, tanto den prome instancia como den apelacion. Unda cu tin mester, e reglamento ta duna espacio pa atencion specifico pa haci husticia den

siituacionnan local.

E reglamento ta enfoca tambe riba mehoracion di varios proceso, manera entre otro planificacion y designacion, compilacion di dossiernan y e proceso administrativo despues cu un decision wordo tuma. Un meta importante di e reglamento ta pa contribui na e reduccion di tempo pa proceso di casonan penal.

Por ultimo, Hof ta indica, e reglamento ta proporciona un procedura pa desaroyo y mehoracion, y lo wordo ahusta pronto na e Codigo di Procedura Penal nobo cu ya caba a drenta na vigor na Aruba.



No ta descarta mas accion di protesta

Taxistanan ta bolbe reuni pa delibera siguiente pasonan relaciona cu introduccion di maneho nobo

Dia 1 di september ta e fecha stipula pa e maneho nobo pa loke ta trata traspaso di permiso di taxi drenta na vigor. Desde anuncio di e cambionan aki e grupo di taxistanan a expresa nan malcontento y preocupacion, a bay den accion di protesta pa exige minister di Transporte, Ursell Arends, revoca e maneho nobo. E fecha stipula ta acercando rapidamente y ainda no tin un acuerdo entre e taxistanan y minister Arends.

Manera ta conoci desde cu minister Arends a anuncia e cambio di maneho na comienso di luna pa loke ta trata traspaso di permiso di taxi y aumento den e cantidad maximo di pasahero cu un vehiculo di taxi por transporta, e situacion ta tenso y e tension ta aumentando cada dia mas mirando cu e fecha 1 di september ta acercando.

E taxistanan ta para firmemente contra e maneho nobo y ta exige minister Arends pa revoca esaki prome cu e drenta na vigor. Ya caba e taxistanan a realiza dos dia di protesta na comienso di augustus, locual tabatin efecto grandi den diferente sector.

A pesar cu e taxistanan a reuni cu minister Arends na varios ocasion pa purba yega na un acuerdo, esaki ainda no a logra y e taxistanan ta evaluando nan opcionnan, y no ta descarta tampoco e posibilidad pa mas accion di protesta, pa asina logra nan obhetivo.

Recientemente e taxistanan a reuni na veld di Bubali pa delibera kico ta bira nan siguiente pasonan. Segun e portal di noticia Aruba.nu a reporta un grupo grandi di taxista a reuni y a muestra nan malcontento cu e plannan di gobierno. Javier Harms, un di e taxistanan presente, a enfatisa na e portal cu e taxistanan ta uni den nan resistencia contra e MB di e minister.

“Nos no lo permiti cu e medidanan aki ta tuma luga,” Harms a declara na Aruba.nu. “Nos manera di biba ta riba liña, y nos ta dispuesto pa sigui lucha te ora e plannan aki ta wordo cancela”

E portal ta indica cu pa reforsa nan mensahe, e taxistanan ta considerando e posibilidad pa tuma pasonan legal, mas



accion di protesta y eventualmente hasta un welga. “Nos lo lucha pa nos derecho y no lo stop te ora e minister scucha nos preocupacionnan,” Harms a bisa Aruba.nu.

E taxistanan ta haci yamada na gobierno pa establece dialogo y busca un solucion cu ta proteha tanto nan interes como tambe e interes publico.

Un di e problemanan cu e taxistanan tin cu e minister y e cambio di maneho ta e falta di comunicacion. Algun taxista ya caba a indica anteriormente cu nan no tabata na altura di e cambio aki, nan no a wordo informa ni consulta, pues no tabatin ningun dialogo cu nan tampoco, locual pa nan ta inacceptabel teniendo na cuenta cu e cambionan aki ta afecta nan recurso di bida directamente.

Ademas di esaki, e problema principal di e taxistanan cu e cambio di maneho ta e eliminacion di posibilidad di traspaso di e permiso di taxi pa nan familiar of persona di escogencia, algo cu tin hopi años ta tuma luga y cu a bira un custumber caba.

Di su banda, minister di Arends a enfatisa cu un di e motibonan principal pakico e situacion ta caminda cu e ta, pakico a tuma decision pa introduci un maneho nobo ta varios acto di corrupcion cu e ministerio di Transporte a logra intercepta pa loke ta trata traspaso di permiso

di taxi den e ultimo temponan.

El a splica anteriormente cu mester a tuma e decisionnan aki pasobra mester bin cu mas control pa loke ta trata reparticion di permiso y tambe den e cantidad di asiento, considerando e tipo di turista cu Aruba ta ricibi, segun e propio taxistanan mes a indica.

El a remarca cu e cambio di maneho ta para e traspaso di permisonan entrante 1 di september 2024 y combati e benta ilegal di esakinan. Asina por stimula un sistema mas husto y transparente.

E minister a indica cu otro motibo di e decision aki ta pa crea oportunidad igual pa ciudadanonan por yega na remarca pa un permiso, na luga di mantene e situacion cu hopi permiso ta keda circula den e mesun gruponan, limitando e

oportunidad igual di otro ciudadanonan pa yega na remarca pa un permiso di taxi.

Considerando e articulon 3 y 15 di e “Landsverordening personenvervoer” minister Arends a dicidi cu, den anticipacion y sperando un ahuste di e “Landsverordening personenvervoer,” petitionnan pa traspasonan basa riba articulo 15 no lo ser permiti mas entrante 1 di september.

E regulacion di e minister pa petition pa traspasonan menciona den articulo 15 di e “Landsverordening personenvervoer,” di 26 september 2022, lo ser retira entrante dia 1 di september 2024.

Petitionnan pa traspasonan di permiso haci prome cu 1 di september 2024 lo ser trata conforme e regulacion di 26 di september 2022 cu ta vigente

te 31 di augustus 2024.

Apart di e cambio di maneho pa elimina traspaso di permisonan di taxi, minister Arends a emiti tambe un decision ministerial tocante e cantidad maximo di asiento den vehiculonan di taxi.

Conforme articulo 1, introduccion y parti D y E di e “Landsverordening personenvervoer,” un taxi por ta ekipa pa transporta no mas cu cinco persona, sin inclui e chauffeur. Esaki ta nifica cu e vehiculo di motor di un titular di permiso di taxi por tin maximo seis asiento.

Tin e necesidad pa taxistanan transporta mas cu cinco persona, vooral si ta trata gruponan grandi di turista kier tuma mesun taxi hunto.

Teniendo na cuenta esaki, minister Arends tin intencion pa ahusta e “Landsverordening personenvervoer” pa aumenta e cantidad di asientonan permiti y cantidad di personanan transporta di cinco pa shete, sin inclui e chauffeur.

Departamento Transporte Publico ta bay ta encarga cu e control di cumplimiento di e cambionan aki. Den caso cu no cumpli loke ta prescribi den e decision ministerial aki prome cu 1 di october, cual ta e fecha di entrada di e maneho nobo aki, ta cu e permiso lo ser revoca temporalmente pa 30 dia.

Si un titular di permiso di taxi ser sorprendi un di dos biaha cu un vehiculo di taxi ekipa cu mas di shete asiento, sin conta esun di e chauffeur, e permiso lo ser revoca temporalmente pa un periodo di nobenta dia. Y si e titular di e permiso di taxi ser sorprendi un di tres biaha pa e mesun cos, e permiso lo ser revoca permanente.



Miguel Mansur (Accion21) ta dirigi 22 pregunta na minpres riba cambio di ley, censo, DWJZ, eleccion y competencia

Den un carta dirigi na minister president, Evelyn Wever-Croes, parlamentario Miguel Mansur (ACCION21) a manda un total di bintidos (22) pregunta y ta pidi gobierno presenta algun documento esencial den parlamento. Un di esakinan sigur ta e cassatie advies cu a motiva gobierno bay Hoge Raad contra e veredicto di HOF, ta importante pa mira esaki. Adicionalmente, un total di e gastonan entama pa land Aruba relaciona cu bay den cassatie contra e veredicto di HOF di 6 di december, 2022.

Ki tempo por spera cambio di ley?

Mirando cu minister-president ta encarga cu legislacion di gobierno y te cu awor practica di gobierno ta pa modifica ley pa nan ta den concordancia cu veredicto di corte, manera a pasa recientemente pa kiesverordening. Aunke ningun cambio di ley ta necesario pa matrimonio di mesun sexo drenta na vigor, ta practica di e minister encarga cu legislacion pa adapta nos leyman pa nan ta den concordancia cu hurisprudencia.

ACCION21 kier sa si gobierno a pidi Directie Wetgeving en Juridische Zaken (DWJZ) cuminsa prepara cambio na nos leyman pa trece nan den concordancia cu e cassatie arrest di 12 di juli, 2024 pa loke ta matrimonio di mesun sexo. Si e contesta ta afirmativo, ta pidi si minister por comparti cu parlamento ki fecha esey a tuma luga. Si no ta asina, ta pidi minister-president pa splica pakico esaki ainda no a tuma luga y ki fecha ta premira cu lo instrui DWJZ pa traha riba e cambionan. Pa ACCION21 ta importante pa sa ki tempo parlamento por spera e cambionan di ley pa incorpora e cassatie arrest den nos leyman, luna y aña.

Tres luna di espera pa haya cita

Despues di e cassatie arrest cual a habri matrimonio pa pareha di mesun sexo, ACCION21 a bin compronde cu tin tres luna di espera pa un afspraak di ondertrouw na Censo. Mirando cu e cantidad di matrimonio ta bahando den ultimo añanan, lo ta interesante pa scucha minister splica pakico mester warda asina hopi pa un cita di ondertrouw. E fraccion lo kier





STATEN VAN ARUBA
Ingek: 26 AUG 2024
Volgnr: IS/1056/23-24

Presidente di Parlamento
sr. mr. E.G.A. Vrolijk
L.G. Smith Blvd. 72
Oranjestad

Aruba, 26 augustus 2024

Apreciado sr. Vrolijk,

Pa medio di e carta aki suscrito kier a pidi sr. Presidente dirigi e siguiente bintidos (x22) preguntanan na Minister President, sra. Evelyn Wever-Croes. Suscrito ta desea di haya contesta por escrito riba su preguntanan. Danki di antemano pa su amabel cooperacion.

Atentamente,



Miguel J. Mansur
Miembro di Parlamento
Lider di fraccion ACCION21


Minister despues di e cassatie arrest cu a habri matrimonio pa parehanan di mesun sexo nos a bin compronde cu tin tres luna di espera pa un afspraak di ondertrouw na Censo.

20. Mirando cu e cantidad di matrimonio ta bin ta bahando pa ultimo añanan, minister por splica pakico mester warda asina hopi pa un afspraak di ondertrouw?

21. Minister por comparti cu parlamento e tempo di espera actual pa e diferente respectivo servicionan di Censo?

22. Minister por comparti cu parlamento ki plan tin pa reduci e tempo di espera pa menos di un luna pa e respectivo servicionan?

Oranjestad, 26 augustus 2024



Miguel J. Mansur
Miembro di Parlamento
Lider di fraccion ACCION21

sa cua ta e tempo di espera actual pa e diferente respectivo servicionan di Censo, y si tin plan pa reduci e tempo di espera pa menos di un luna pa e respectivo servicionan.

Directie wetgeving en Juridische Zaken (DWJZ)
A yega na conocimiento di ACCION21 cu director di DWJZ a entrega su retiro.

Den cuadro cu esaki, e fraccion kier sa si minister por comparti cu parlamento cuanto 'wetgevingsjurist' tin actualmente na DWJZ excluyendo e director. Dificilmente DWJZ por haya un 'wetgevingsjurist' nobo pasobra e limitacion riba salario den sector publico ta abao. ACCION21 ta pidi gobierno si por comparti cu parlamento

si di berdad esaki ta e caso, y ki solucion gobierno tin pa e problema. Ta esencial tambe pa sa cuanto 'wetgevingsjurist' DWJZ lo mester conta cu ne ora ta na capacidad completo, y ki capacidad DWJZ tin pa skirbi of modifica leyman, cuanto ley of cambio di ley nan ta produciendo pa luna por ehempel.

Parlamentario Mansur tambe ta puntra ki tempo di espera ta actualmente pa un minister cu a pidi asistencia den desaroya un concepto di ley of cambio di ley. A pidi minister-president tambe si por comparti cu parlamento con peticion pa asistencia den wetgeving ta priorisa, mirando cu parlamento tambe tin por lo menos un concepto na DWJZ. Ta importante pa sa tambe ki tempo e mandatario ta spera cu lo elimina e achterstand cu tin na DWJZ.

Otro asunto importante

Relaciona cu otro asuntonan importante y preguntanan dirigi na minister-president, ACCION21 ta compronde cu hefenan di departamento tin derecho actualmente riba un toelage di 25% di nan salario, plus un auto y otro beneficionan.

Den cuadro cu esaki, ta puntra minister-president si por comparti cu parlamento cuanto hefe di departamento tin, y nan respectivo departamento. Si tin hefe di departamento cu ta ricibi mas cu 25% toelage, auto etc., pues un nivel di beneficio superior na e otro hefe di departamentonan? Si e contesta ta afirmativo, ta pidi minister-president si por comparti cu parlamento ken nan ta, pakico y cuanto nan nivel di beneficio adicional ta.

Proximo eleccion

Na Corsou a keda anuncia fecha di proximo eleccion na 2025. ACCION21 kier sa ki tempo minister-president lo anuncia fecha di proximo eleccion na 2025 si gobierno sinta ful su termino. Tambe, ki factornan lo influencia minister su decision pa establece fecha di e proximo eleccion, y con nan lo pisa contra otro.

Mercado liber

Finalmente, riba loke ta e tema di mercadonan liber; competencia husto y acceso facil ta importante pa economia crece. Competencia ta e miho garantia pa eficiencia y prijsnan competitivo, como tambe prosperidad. ACCION21 ta puntra minister-president si por comparti cu parlamento un inventario di cuanto industria of mercado actualmente ta limita pa cantidad di permiso disponibel asina distorcionando mercado liber.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)

Angenette Figuereo (closer editor)

Leo Maduro

Andreina Morillo

Raisa Montilla

Oriana Geerman

Ehecutivo di Benta

sulaika.croes@cspnv.com

Sulaika Croes

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant
redacta y imprimi na Aruba y ta
obenibel di dialuna te cu diasabra.
Ningun contenido por wordo reproduci
sin permiso di editor.



Editorial

Escasez laboral ta aumenta... *Salario y despues, prijs...*

Aruba ta cuminza sinti e promer consecuencianan di un mercado laboral hopi preta, loke en general no ta bon pa economia. Sonido di preocupacion ta cuminza di varios banda, manera e situacion na hospital ta muestra, den e relato den nos edicion di ayera. Camara di Comercio y otro gremio tambe ta muestra riba e tendencianan negativo den varios sector, pa no papia mes di e ola di migracion laboral, necesario pa cubri e demanda den sector turistico den proximo añanan. Debate apenas a inicia encuan to e ultimo problema menciona aki, pasobra e ta bay trece un cantidad di otro dilema cune, cu lo tuma un lugar mas prominente riba escenario politico, aunke ta nos impresion cu especialmente e fraccionnan apoyador di actual gobierno lo desea cu e debate no tuma lugar nunca.

En todo caso, falta di e personal adecua ta haci cu ta mas dificil pa un empresa ta productivo, pero tin un bentaha, temporal, pa cierto empleado: empresanan ta competi pa emplea trahador cu cierto habilidad o experiencia necesario y esey tin como consecuencia cu den hopi caso ta ofrece un persona mas salario pa e keda o tuma trabao cerca e empresa cu ta ofrece tal. O ta bay pa otro empleador cu ta ofrece mas ainda. Un empresario por haci su oferta mas atractivo tambe cu oferta di vivienda o ayudo pa logra haya uno, o cu transporte incluyendo hasta auto den cierto caso. Nos ta papiando aki di alternativa en general, no ta referi na ningun empresa local.

Pero mihor salario, pa un parti di e total di empleado, ya ta aumenta gasto di empresa cu ta tuma paso pa emplea hende cu nan mester. Esaki ta bolbe den e prijs cu mester pidi pa e producto o servicio cu e compania ta brinda. Cu consciencia cu nivel di prijs ta sigui subi, tambe pa esnan cu no lo mira un mihor salario. E aumento di inflacion aki, genera localmente, ta bin acompaña e inflacion cu nos ta importando a traves di e productonan cu nos ta importa. Ya cu esey ta encera practicamente tur cos di come, bebe, bisti y lo demas, nos por anticipa cu e escasez laboral aki finalmente ta perhudica nos.

Pregunta: kico gobierno lo ta pensa di esaki? Esey ta depende di ken bo puntra. Un ministro encarga cu asunto economico lo bisa probablemente cu esaki ta un desaroyo desfavorable. Por ta cu e colega encarga cu finanzas no lo keda sin muestra riba e beneficio cu esaki na trece pa caha di gobierno: mas salario, mas loonbelasting, mas prima social, etc. Tambe temporalmente e desaroyo aki ta causa un aumento di poder di compra, no cerca tur hende, solamente pa esnan cu efectivamente probecha di e ganga temporal aki.

Pero gobierno tin mas tarea y responsabilidad den e asunto aki. Por ehemplo, ta existi escasez den rangonan gubernamental tambe, unda pa hopi aña ta scucha e keho cu no por aumenta salario pa un grupo specifico di ambtenaar halto cu ta absolutamente necesario pa funcionamiento debido di gobernacion. Nos por a nota cu un politico opositor corectamente ta menciona e articulo den LMA, cu ta ofrece e posibilidad pa duna un empleado publico, no hefe di departamento so, un adiccion di 25% riba nan salario bruto. Esey ta un posibilidad pa paga e expertonan aki un poco mas? Si, y no. Si, no tin obstaculo legal pa haci esaki. No, pasobra tradicionalmente a usa articulo 25 di LMA pa esnan faboreci pa nepotismo den circulo di confianza di un ministro, y ta parce nos cu mayoria di nos politiconan lo no gusta mezcla e dos categorianan aki, cu mas tanto no tin tanto 'overlap'... Fuera di e posibilidad aki nos no a mira nunca otro iniciativa pa yega na mihor pago di experto indispensable den servicio publico. Ta pesey cu nos lo sigui scucha e lamento gubernamental aki, tambe talvez pasobra e ta un tremendo pretexto pa keda sin cumpli cu e mehoracion y avance cu sigur Hulanda ta exige di nos gobierno y pa cual nan mes tambe a firma, pero lagando semper e duda ta con serio nan ta tuma nan propio compromiso.

Escasez laboral, hunto cu e ola migratorio proximo, lo tin mas consecuencia pa pueblo y ta trata di consecuencia mas trascendental tambe, cu ta afecta ciudadano na diferente manera. Uno ta e problema di inflacion, manera trata caba, pero otro ta cu e mercado di vivienda ta bay conoce problema espectacular, unda disparidad di oferta y demanda ta bay crea situacion imposible pa local y migrante. Un bon momento pa puntra kico gobierno tin pensa di haci, no? E contesta cu nos ta mira ta cu e fundacion di utilidad publico FCCA ta bay inverti den un edificio propiedad di gobierno pa crea apartamento pa estudiante... Un bunita iniciativa cu nos no ta bay critica, pero con ta para cu e tarea principal pa atende e creciente escasez di vivienda pa e grupo mayoritario di nos hende local, cu no por yega na un vivienda propio? Ta nan ta forma e gran mayoria cu den cada eleccion ta bay cumpli cu nan deber civico di vota, y a cambio mester soporta cu finalmente ta nan mester paga e cuenta aki, sin haya nada...

Pa hopi aña mayoria di nos politiconan a kere den e teoria cu, si no tin suficiente trahador, anto bo ta simplemente importa nan, toch? Awor nan mester atende e situacion cu ta surgiendo, unda no lo tin ganador, ni esun cu mas salario, temporalmente.

Acuerdo entre Stimami Sterilisami y TPEF a keda firma pa financia proyectonan di e fundacion

Diaranson mainta Minister di Turismo y Salud Publico, Sr. Dangui Oduber, den nomber di Tourism Product Enhandement Fund (TPEF), conhuntamente cu e president di Fundacion Stimami Sterilisami (FSS) sr. Biemans, a firma un acuerdo caminda ta bay duna sosten financiero na FSS. E fundacion aki ta pa yuda cu sterilisacion di cacho y pushi nan di caya y tambe pa yuda doñonan sterilisa nan mascota.

TPEF a keda funda na año 2010, e ta un fondo cu a wordo traha cu e proposito pa inverti den proyectonan cu ta contribui na e mehoracion di e producto turistico di Aruba. E portfolio den cual TPEF



ta inverti den proyectonan ta consisti di 6 categoria. Esakinan ta: Atraccion, Seguridad, Medio Ambiente, Herencia, Conscientisacion y Inversion. E partnership cu FSS ta forma parti di e categoria di conscientisacion.

Minister Dangui Oduber su maneho di turismo no solamente ta dirigi pa enfoca pa

atrae turista di calidad, mehoracion di servicio y embebecimento di area turistico, pero tambe e ta basa pa crea un balans positivo pa e comunidad di Aruba incluyendo nos amigonan di cuater pia cu no tin un dak riba nan cabes.

Stimami Sterilisami ta dedica pa reduci e poblacion di

bestianan sin hogar na Aruba. FSS su programa nacional ta di sterilisacion a yuda mas o menos 38,000 cacho y pushi desde 2016. E programa aki ta un pilar fundamental di nan mision pa ofrece servicio di sterilisacion y yuda animalnan ariba caya.

Stimami Sterilisami a forma partnership cu PawsUni y Animal Welfare Alliance Aruba (AWAA) pa financia nan iniciativa. E partnershipnan aki ta permiti pa ofrece servicio di sterilisacion gratis pa barionan cu entradan mas abou cu no tin manera pa paga esaki. Un danki special tambe na VSH Veterinary Specialty Hospital cu ta un socio importante unda cu a logra haya un deal special p cacho y pushi por sterilisa na

un prijs mas rasonabel.

Finalmente, Minister Oduber ta kere firmemente cu e manera con nos ta trata nos animalnan ta bisa hopi di nos como pais. A base di esfuerzonan y programanan di FSS, den wowo di nos localnan y bishitantenan e ta eleva e imagen di e producto Aruba y ta cumpli cu e vision di Ministerio di Turismo. E meta ta pa haci nos comunidad mas consciente riba e problema aki. Minister Oduber ta gradici e board di FSS pa tur e esfuerzo riba e campananan di conscientisacion pa tene nos comunidad bon informa y pa sigui mehora bienestar di amigonan di 4 pata na Aruba.

Gobierno di Aruba a firma presupuesto 2025

Diaranson 28 di Augustus, 2024 ta un dia importante y grandi pa loke ta trata e ciclo financiero di pais Aruba. E presupuesto 2025 a wordo firma pa ministernan y ta na caminda pa wordo entrega na Parlamento. Segun ley e presupuesto mester wordo entrega prome of mas tarda 1 di September di cada año. Mirando cu e fecha ta cay riba un fin di siman e año aki, Minister di Finanzas a pone e presupuesto como prioridad pa caba cune y entreg'e na Parlamento prome cu e fecha di 1 di September.

Prome Minister a indica den un comunicado di prensa cu na momento cu Gabinete

Wever-Croes a drenta gobernacion na año 2017, tabata tin hopi reto pa loke ta e situacion financiero di pais Aruba. Presupuestonan tabata wordo entrega tin biaha 6 luna despues cu año cuminsa y ya e presupuesto a wordo gasta. A tarda poco, pero ya pa un par di año e presupuesto ta wordo entrega na tempo, y e año aki hasta prome manera ley ta prescribi.

Segun e comunicado, importante den e presupuesto aki ta cu Gobierno a cumpli cu tur e normanan financiero cu a wordo palabra cu Hulanda y a wordo hancra den ley. E presupuesto ta wordo entrega cu un surplus cu ta cumpli cu e minimo di 1%, e ta dentro di e gastonan di personal, y cu esaki ta bahando e debe di



pais Aruba. E presupuesto ta brinda tambe posibilidad pa mas inversion, y tin espacio pa inverti den poder di com-

pra di e ciudadanonan.

Segun e comunicado, Aruba ta bayendo den un rumbo hopi positivo, finanzas ta na orden, economia ta creciendo, turismo ta bayendo bon, y desempleo y inflacion ta bahando. E meta di Gobierno ta pa traduci e progreso aki den bienestar di cada ciudadano di pais Aruba.

Banco Central di Aruba ta publica e segundo edicion di 'Governing from the Future – Leading with Inclusion'

Banco Central di Aruba (BCA) a publica e tan espera di dos edicion di 'Governing from the Future' (Gobernando di futuro). E prome edicion di 'Governing from the Future – Leading with Impact' a wordo publica dos año pasa. E segundo edicion di 'Governing from the Future' ta enfoca riba 'Leading with Inclusion' (Liderando cu Inclusion).

Como tal a investiga principalmente e importancia fundamental di desaroyo inclusivo pa fortalece nos resiliencia como un pais chikito den proceso di transformacion. Desaroyo inclusivo ta considera desaroyo di igualdad, basa riba balornan di cada individuo y comunidad, pa fomenta

resiliencia di forma structural di un pais door di acapara di manera adaptivo inclusion social, ecologico, economico y relacional. Pues, liderando cu resiliencia inclusivo tin como meta pa construi un comunidad, economia y ecologia resiliente cu ta balora y empodera tur hende, incluyendo nos naturalesa, cu mester ta esencial pa promove desaroyo economico sostenible den paisnan isleño chikito manera Aruba.

E publicacion ta abarca diferente estudio riba, por ehempel, e nexu entre desaroyo humano y crecimiento economico, como tambe e futuro di trabou y transformacion digital den perspectiva isleño. E ta analisa e adopcion di un florin digital Arubiano y un transicion energetico

inclusivo. E publicacion ta conclui cu un estudio profundo riba e desaroyonan importante y e impulsanan clave di vivienda (in)pagabel na Aruba.

Segun Sra. Jane Semeleer, Presidente di BCA, "nos ta invita comunidad henter pa lesa e di dos edicion di 'Governing from the Future – Leading with Inclusion'. Principalmente como guia pa un discusion habri, inclusivo y orienta riba un futuro hopi necesario. BCA ta compromete di ofrece e plataforma necesario pa avansa e dialogo asina necesario pa e cambianan transformatorio di Aruba".

E publicacion ta disponibel riba e website di BCA (www.cbaruba.org).

De Cuba | Ormel | Noordhuizen
Attorneys at Law

Elleboogstraat 11-13
Oranjestad, ARUBA
T +(297) 583 8144
F +(297) 583 8145

BEKENDMAKING

Bij vonnissen van 27 maart 2023, 10 mei 2023 en 12 juli 2023 van het Gerecht in Eerste Aanleg van Aruba zijn de rechtspersonen naar het recht van St. Kitts & Nevis

- SHANLIN VENTURES INC.;
- ZABONTI VENTURES LTD.;
- TEPWORTH LTD.;
- FAGUS S.A.;
- GALGO INC.;
- ZANDIN CORP.;
- RICHEZZA CORP.;
- FIUME INC.

allen voorheen statutair gevestigd te Charlestown, Nevis, feitelijk gevestigd te Aruba, in staat van faillissement verklaard, met aanstelling van mr. J.M. de Cuba tot curator en benoeming van mr. C.T.M. Luijckx (thans mr. G. Drenth) tot rechter-commissaris.

De curator in de faillissementen van de hierboven genoemde rechtspersonen roept alle schuldeisers hierbij (nogmaals) op om uiterlijk woensdag 18 september 2024 hun schuldvorderingen, gestaafd door bescheiden, onder vermelding van eventuele voorrechten ter verificatie in te dienen. De verificatievergadering vindt plaats op donderdagdag 17 oktober 2024 om 9:00 uur in het Gerechtsgebouw aan de J.G. Emanstraat 51.

De curator,
mr. J.M. de Cuba
De Cuba Ormel Noordhuizen Attorneys at Law
jeannor@dcnlaw.com

Organo Ehecutivo AZV ta informa:

Traspaso automatico di pashent di dokter E. Boderie

E contracto entre OE AZV y dr. E. Boderie ta termina 31 di augustus 2024. OE AZV ta gradici dokter di cas E. Boderie pa tur su añanan di servicio y dedicacion na e aseguradonan di AZV. Ta desea dr. E. Boderie tur clase di exito den su siguiente reto y etapa di bida.

Traspaso automatico

OE AZV ta responsabel pa servicio medico sigui y pa e motibo aki ta haci un traspaso automatico. Entrante 1 di september 2024 tur asegurado registra cerca dr. E. Boderie ta pasa automaticamente pa ImSan HOED, Pastoor Hendrikstraat 10, telefon 5248730.

Esaki ta nifica cu e asegurado no tin nodi haci nada, tur cos ta keda regla digitalmente.

Con por wak e cambio?

Entrante 1 di september 2024



e asegurado ta wak e traspaso automatico via e AZV app. Ta habri e AZV app cu bo codigo pin y drenta e bloke Menu » e Dunadonan di Cuido di ...»

Dokter di cas » E dokter di cas di ...

No ta di acuerdo

Solamente den caso cu no ta

di acuerdo cu e traspaso automatico aki, e ora por cambia di dokter di cas di propio interes. Tene cuenta cu e ora bo mes mester pidi pa

un aprobacion di e dokter di cas (firma di dokter) cu abo ta desea. E dokter di cas y bo persona ta firma e formulario "Cambio di Dokter di Cas". E dokter di cas mes of su asistent ta manda e formulario pa OE AZV. Despues por wak e cambio den e AZV App ora cu bay na: Menu » Dunado di cuida » E dunado di cuida di bo persona » Doctor di cas » Eynan bo ta wak e doctor di cas nobo.

Recomendacion

AZV ta recomenda tur asegurado pa download e AZV app y asina registra pa bo digi ZorgPas. Bo persona ta bay den Google Play Store of Apple Store pa download door di primi e boton "install". Sigui e preguntanan pa registra pa bo digi ZorgPas. Den caso cu bo no ta logra, libremente por comunica cu nos pa haya ayudo via klantenservice@uoazv.aw

Donacion di riñon ta mas safe awo cu loke a pensa prome, segun estudio Mericano ta demostra

(AP)--Hende cu ta bolunta pa dona un riñon ta enfrenta un riesgo mas abao ainda di morto for di e operacion compara cu loke dokternan a pensa pa hopi tempo, segun investigadornan a reporta ayera.

E estudio a rastrea 30 aña di donacion di riñon na bida y a descubri cu pa 2022, menos cu 1 di cada 10,000 donante ta muri dentro di tres luna di operacion. Centronan di transplante ta usando data mas bieu—citando un riesgo di 3 morto pa cada 10,000 donante na bida—den consehando donantenan tocante posible complicacionnan mortal di e operacion.

"E ultimo decada a bira hopi mas safe den e camber di operacion pa donantenan na bida," segun Dr. Dorry Segev, un ciruhano di transplantacion na NYU Langone Health. El ta co-autor di e estudio publica den e revista JAMA.

Tecnicanan di operacion nobo ta e motibo clave, Segev a splica, yamando pa updatenan riba e liñanan di guia pa refleha e mehoracionnan ey di seguridad—y kisas aumenta interes den donacion

na bida.

Frecuentemente e ta haya destinatarionan di transplante mas preocupa tocante posible riesgonan di nan donantenan compara cu e donantenan mes. "Pa nan, esaki ta provee mas garantia pa permiti nan famia of amigo dona pa nan," Segev a bisa.

Miles di hende ta muri tur aña wardando pa un transplante di organo. Ta posible pa donantenan na bida duna un di nan dos riñon of parti di un higrá, e unico organo cu ta regenera.

Cu casi 90,000 hende riba listanan Mericano pa un transplante di riñon, pa haya un donante na bida no ta solamente corta e espera di añas--e organonan tambe pot sobrevivir mas largo compara cu esnan for di donantenan fayecido.

Pero aña pasa, solamente 6,290 di e mas cu 27,000 transplante na Merca a bin for di donantenan na bida, e cantidad mas halto prome cu pandemia. Seguridad no ta e unico limitacion pa donacion na bida, pero conscientisacion tambe, como cu hopi pashent tin miedo pa puntra.

Y mientras e seguro di e destinatario ta cubri e gastonan medico, algun donante ta haya nan mes ta gasta mas pa por ehemplo biahamiento of salarionan perdi mientras nan ta recupera.

E ekipo di NYU a analisa documentonan di mas cu 164,000 donacion di riñon na Merca for di 1993 pa 2022 y a descubri 36 morto despues di operacion. Esnan mayormentenan den riesgo tabata donantenan masculino y esnan cu un historia di presion halto.

Solamente cinco di e mortonan ey a sosode 2013. E periodo ey ta coincide cu centronan di transplante na Merca cambiando pa un operacion di transplantacion di riñon menos invasivo como tambe adoptando un miho manera pa stop sangramento di e slagader di e riñon.

"Durante tempo, e ta un operacion safe cu a bira mas safe ainda," importante pa posible donantenan sa," segun Dr. Amit Tevar di e University of Pittsburgh Medical Center, ken no tabata involvi cu e estudio.

Pero tin riesgonan di termino



largo pa considera tambe, el a enfatisa—incluyendo si un e riñon restante di e donante por dura pa resto di su bida. E riesgo di un donante mas despues experienciando fayó renal tambe ta chikito y ta depende riba factornan manera obesidad, presion halto, humamento y historia familiar di malesa renal. Calculadornan di riesgo ta yuda dokternan determina e posibilidad cu un donante por haya nan mes cu complicacion mas despues, y centronan di transplantacion por tin diferente criteria di elegibilidad.

"No ta existi algo manera donante di riesgo modera

of halto—sea bo ta perfecto of bo no ta," ta con Tevar ta dicidi pa acepta of nenga un posible donante.

Den pasado dokternan a pensa cu adultonan hoben tabata e donante na bida ideal. Pero Segev a bisa cu tin un cambio pa donantenan na bida mas bieu pasobra e ta mas facil pa pronostica corectamente si nan no lo sobrevivir cu nan riñon restante.

Si un donante na bida experiencia fayó di riñon mas despues den bida, nan ta haya prioridad pa un transplantacion, el a nota.

Parlamentarionan Hulandes ta trece dilanti preocupacion tocante seguridad y husticia riba teritorionan Caribense

(CuraçaoChronicle) - Despues di un bishita di trabao na Corsou y Boneiro di un delegacion di Comite di Representante di Cas Hulandes pa Husticia y Seguridad, un total di 41 pregunta a ser entrega pa 6 parlamentario di 6 diferente fraccion politico.

E preguntanan aki, dirigi na dos minister y dos secretario di estado, ta pone bista riba preocupacionnan serio tocante e estado di husticia y seguridad den e parti Caribense di Reino Hulandes. E preguntanan ta enfoca riba e problemanan for di escasez di empleado te cu regulacion den e sector di wega di placa.

E delegacion, cual a inclui Ingrid Michon (VVD), Songül Mutluer (GroenLinks-PvdA), Ulysse Ellian (VVD), Faith Bruyning (Nieuw Sociaal Contract), Hanneke van der Werf (D66), y Michiel van Nispen (SP), a dirigi nan preocupacion na Minister Van Weel (Seguridad y Husticia), Minister Faber (Asilo y Migracion) y Secretarionan di Estado Struycken y Coenradie (ambos encarga cu Husticia y Seguridad). E ministernan y secretarionan di estado a ser pidi pa provee nan respuesta prome cu e comite su debate cu ta den plan pa tuma luga dia 29 di september.

Problemanan clave treci dilanti pa e parlamentarionan ta entre otro;

Escasez di empleado



severo den e sector di Husticia:

Un gran preocupacion cu a trece dilanti ta e falta di empleado significativo den practicamente henter e cadena hudicial den e teritorionan Caribense, algun enfrentando un escasez di te hasta 50% di empleado. E Parlamentarionan a puntra con Hulanda por asisti den atende e escaseznan aki, particularmente den forsa policial, Ministerio Publico, Aduana y servicionan di seguridad.

Tambe nan a cuestiona si despliege temporario di personal for di organisacionnan ruman na Hulanda por ta un solucion viabel.

Balans den inversion den e cadena di husticia:

Otro problema cu a trece di-

lanti ta tocante e posibel falta di balans cu e inversion den area specifico di e sistema di husticia por causa, manera droga, cual por causa obstaculo den otro partinan di e cadena manera e sistema di prizon y servicio nacional di investigacion. E Parlamentarionan tambe ta buscando solucion pa preveni e tipo di falta di balans aki.

Barera di idioma den programa di training:

E delegacion tambe a expresa cu e lengahe usa den e programanan di training pa cierto profesion ta causando problemanan di capacidad severo manera den polis, servicio di bombero y KMAR.

Actualmente, e programanan aki ta ser ehecuta den Hulandes, cual posiblemente no ta cumpli cu e necesidadnan local den Caribe. E Parlamentarionan a puntra si tin posibilidad di traduci of siña partinan di e programa den Ingles of Papiamentu, e idioma local di Corsou y Boneiro.

Escasez di ekipo policial: Polis na Corsou no solamente ta luchando cu un escasez di personal pero tambe un falta di ekipo esencial manera arma, vest antibala y vehiculo di polis. E parlamentarionan a puntra si Hulanda por asisti den provee e materialnan aki den cooperacion cu polis nacional.

Sistema den prizon: Atencion significativa a ser presta na e desafionan cu e sistema di prizon ta enfrenta na Corsou, particularmente

pa loke ta trata contrabando via drone, actividadnan criminal andando den e prizon, infraestructura inadecua, falta di emplado y e condicionnan humanitario na SDKK. E parlamentario a cuestiona ken ta carga e responsabilidad pa e problemanan aki y ki rol Hulanda por hunga den atende nan.

Falta di facilidad pa condenadonan cu problemanan di salud mental

E ausencia di un facilidad den e 6 islanan pa vivienda safe y tratamiento pa esnan condena cu tin problemanan di salud mental tabata otro punto di preocupacion. E parlamentarionan ta pidi pa establece e tipo di facilidadnan aki y a haci pregunta tocante e programa di rehabilitacion y reintegracion dentro di Corsou su sistema di prizon.

Prevencion di crimen den hubentud y sosten pa nan bienestar:

E parlamentarionan a pidi informacion tambe tocante e extento di e colaboracion entre Hulanda y e paisnan Caribense tocante e prevencion di crimen den hubentud y promocion di e bienestar di e hubentud.

Esaki ta inclui un investigacion tocante si e esfuersonan actual ta suficiente y con nan ta compara na programanan manera "Preventie met gezag" (Prevencion cu Autoridad) na Hulanda.

Regulacion di sector di wega di placa:

E regulacion di e sector di wega di placa den Caribe tambe a ser critica, cu preocupacion tocante problemanan di adiccion, e riesgo di infiltracion criminal y labamento di placa. E parlamentarionan a cuestiona si e problemanan aki ta adecuadamente atendi y ki rol Hulanda por a hunga den provee sosten.

Ratificacion di e convenio Lanzarote:

E status di e ratificacion di e convenio Lanzarote pa Corsou tambe a ser cuestiona, conhuntamente cu e designacion di Netherlands Forensic Institute (NFI) como e autoridad central pa cu esaki.

Actualisacion den sector di legislacion di husticia:

E parlamentarionan a expresa tambe frustracion cu e atraso den ricibi e rapport di e ultimo reunion hudicial quadripartite y a pidi confirmacion si e rapport aki lo ser comparti cu parlamento. Tambe nan a puntra si e dialogo den futuro tocante politica pa e reunionnan aki por ser comparti cu parlamento di antemano y si lo provee feedback despues di esaki.


Evaluacion di e centro di experticio y informacion regional:

Preguntanan a ser haci tambe tocante e prestacion di Regional Information and Expertise Center (RIEC) Caribbean Netherlands na Boneiro, incluyendo e criteria pa exito y e areglonan financiero cu ta sostene esaki.

Prevencion crimen hubenil na islanan BES:

Tambe a trece dilanti preocupacion tocante e recurso nan aloca pa preveni crimen hubenil y promocion di involucra mayornan na islanan BES (Bonaire, St. Eustatius, and Saba) y con e esfuersonan aki ta compara na programanan similar na Hulanda.

E parlamentario a pidi contesta detaya na e preguntanan aki pa no mas tardar cu 22 di september, prome cu e comite su debate tocante e sistema hudicial den e parti Caribense di e Reino. E contestanan ta anticipa di provee claridad riba e gobierno su posicion y su plan den duna sosten na e husticia y seguridad den su teritorionan Caribense, atendiendo e problemanan importante cu a enfatisa durante e delegacion su bishita.



De Cuba | Ormel | Noordhuizen
Attorneys at Law

Elleboogstraat 11-13
Oranjestad, ARUBA
T +(297) 583 8144
F +(297) 583 8145

BEKENDMAKING
Bij vonnis van 24 mei 2021 van het Gerecht in Eerste Aanleg van Aruba is de boedel van wijlen **HAIM RUDOLF HOCHMAN**, geboren 14 november 1949 en overleden op 7 februari 2021, destijds wonende te Aruba aan het adres Alto Vista 6, in staat van faillissement verklaard, met aanstelling van mr. J.M. de Cuba tot curator en benoeming van mr. J.J. Verhoeven (thans mr. G. Drenth) tot rechter-commissaris.

De curator in het faillissement van de boedel van wijlen Haim Rudolf Hochman roept alle schuldeisers hierbij (nogmaals) op om uiterlijk woensdag 18 september 2024 hun schuldvorderingen, gestaafd door bescheiden, onder vermelding van eventuele voorrechten ter verificatie in te dienen. De verificatievergadering vindt plaats op donderdag 17 oktober 2024 om 10:00 uur in het Gerechtsgebouw aan de J.G. Emanstraat 51.

De curator,
mr. J.M. de Cuba
De Cuba Ormel Noordhuizen Attorneys at Law
jeannot@deconlaw.com

Partidonan di coalicion kier manda solicitantenan di asilo back pa Siria

(NLTimes) - E partidonan di coalicion kier pa goberno investiga si algun parti di Siria por wordo declara sigur pa asina e solicitantenan di asilo di Siria por wordo manda back nan pais. Lider di PVV, Geert Wilders, kier un debate tocante e topico e luna aki y ta hayando sosten di e otro partidonan di coalicion, segun Trouw.

Wilders ta desea pa Hulanda declara Siria, of si no por lo menos parti di e pais, sigur, pa asina "Hulanda basicamente no lo duna permiso di estadia mas na ciudadanonan di Siria." E grupo aki ta forma e grupo di solicitante di asilo mas grandi na Hulanda, y nan peticionnan ta wordo acepta mayoria di biaha.

NSC no ta pronuncia asina fuerte tocante e asunto manera Wilders, pero Parlamentario Diederik Boomsma a señala cu si parti di e pais ta sigur, cierto refugiadonan por



bolbe. "Si tin señal cu hende por bira sigur atrobe, nan no tin derecho mas riba proteccion. No ta ideal, pero nos mester ta estricto tocante ken nos laga drenta," Boomsma a bisa na Trouw. "Asina ta cu nos lo definitivamente presenta esaki na e minister."

BBB a referi na un decision di

e corte di Münster na Alemania, cu a bisa luna pasa cu parti di Siria ta suficientemente sigur pa e ciudadanonan bay back. "Nos ta curioso pa mira loke nos gobierno lo bisa tocante esaki den e siguiente rapport oficial," parlamentario di BBB, Claudia van Zanten, a bisa. "E tratadonan internacional ta bisa cu refu-

giadonan por wordo manda bek pa zonanan sigur." Segun Van Zanten, e "influencia di solicitantenan di asilo na Hulanda mester disminui," y no duna status di refugiado na esnan for di paisnan sigur tin un efecto convincente.

VVD kier warda pa e siguiente analisis di seguridad riba

Siria prome cu haci declaracionnan tocante manda refugiado- y solicitantenan di asilo back. Pero e partido ta apunta cu tin debate den parlamento ya pa algun tempo tocante declara regionnan, en bes di paisnan completo, sigur. Esaki ta parti di e acuerdo di coalicion di PVV, VVD, NSC y BBB.

E rapport di seguridad ta basa riba informacion di e embahada Hulandes y otro fuente local. VVD ta spera esaki durante otoño. E ultimo rapport oficial Hulandes tocante Siria ta di augustus aña pasa y ta indica cu e situacion di seguridad den e ciudad di Damasco y parti di e provincia di Latakia a mehora.

E gabinete anterior no a considera esaki un motibo pa ahusta e politica, pasobra ciudadanonan di Siria cu a huy for di e pais pa motibo cu e regimen di Assad tabata ainda den peligro.

Prinses ta renuncia di e fondo di restitution di scandal di beneficio despues di acusacionnan di bullying

(NLTimes) - Prinses Laurentien lo renuncia di su posicion como presidente di e fundacion Stichting(Gelijk)waardig Herstel (SGH), cu ta traha pa segura cu tur e mayornan cu tabata victima den e escandalo di beneficio ta haya compensacion lihe. Esaki a ser anuncia pa e fundacion dia diaranson. Laurentien ta renuncia na su posicion despues di un articulo tocante supuesto comportacion transgresivo di e Prinses cu a wordo publica pa AD.

Segun e fundacion, Laurentien ta kere cu el a perde e capacidad pa cumpli su rol na e miho manera. Na comienso di augustus, un articulo den e medio AD a papia di varios

fuelle anonimo den e ministerio di Finanzas cu a informa tocante comportacion transgresivo di e Prinses. E fundacion a bisa cu nan tabata considerando tuma accion legal contra AD pero despues a dicidi pa no haci esaki.

E fundacion Stichting(Gelijk)waardig Herstel ta yuda mayornan cu a sufrir pa motibo di e scandal di beneficio. Hopi a ser bisa tocante e manera den cual e fundacion ta haci esaki. E mayornan tabata entusiasma cu esaki, pero e prome test cu tabata trata di alredor di 300 file no a convence e minister di Finanzas di biaha. E departamento tabata duda, entre otro cos, si e metodo por wordo aplica riba escala grandi. Finalmente, e fundacion di Laurentien a haya permiso pa sigui asisti e victimanan.

Gabinete di Rutte III a renuncia na principio di 2021 pa motibo di e escandalo di beneficio caminda di diesmil di mayor a wordo acusa incorrectamente di fraude pa e Autoridad di Impuesto den e ultimo aña, y hopi a termina den debe como resultado. Ex prome minister Mark Rutte a bisa den su discurso di despedida na final di juni cu e tin



confiansa cu "nos reemplasonan lo continua riba e caminda di recuperacion."

Presidente Gert-Jan Segers di e hunta di supervision di e fundacion a bisa diaranson den un carta publica riba e website di e fundacion cu e decision di Laurentien pa renuncia "ta personalmente dificil pa mi. E ta digno y tipico di bo cu—un bes mas—bo ta enfoca riba e recuperacion emocional, financiero y legal di e mayornan y nan famia cu a sufrir pa motibo di e scandal di beneficio di muchanan y cu awor ta duna nan e priori-

dad absoluto."

Laurentien a bisa cu e kier ta "trankilo" y "feliz." El a bisa esaki den un combersacion cu RTL Nieuws. "E ultimo cos cu mi kier ta pa esaki ta tocante mi persona," un Laurentien emocional a bisa e sitio di noticia. El a bisa cu e ta sinti e impacto di e suceso reciente. "Esaki ta ken mi ta. Mi identidad ta mi profesionalismo. Y ora nan ta ataca bo personalmente, mi ta bira un persona diferente. Esaki ta afectami."

El a agrega tambe cu niun

hende a pidi'e pa renuncia. E fundacion kier tin un discusion cu Laurentien tocante esaki, Segers a skirbi. RTL Nieuws a informa cu e Prinses lo keda activamente involvi cu e fundacion.

Segun Segers, e hunta di supervision mester acepta e decision di Laurentien "cu sentimentonan mescla." "Na mes momento, nos como SHG no kier sigui sin bo experticio," el a skirbi na e Prinses. E hunta di supervision, por lo tanto, ta spera pa tene discusionnan cu Laurentien tocante su envolvimento mas dilanti.



Mexico ta “pausa” relacion cu embahada Mericano y Canades pa critica di plan di reforma hudicial

(AP) — Presidente Mexicano a bisa reporteronan diamars ultimo cu el a pone un “pausa” riba e relacion cu embahadanan Mericano y Canades, despues cu e dos pais a expresa preocupacion tocante un propuesta pa reforma hudicial, cu criticonan a bisa por mina independencia di e hudiciario.

Presidente Andres Manuel Lopez Obrador no a elabora riba kico un pausa ta nifica. No ta un termino usa den codigonan diplomatico formal, y ministerio di Exterior Mexicano no a responde na un solicitud di Associated Press pa comenta riba kico esaki lo nifica.

E propuesta di reforma hudicial, sugeri pa e presidente Mexicano durante su ultimo simannan a cargo, ta inclui postula huesnan pa eleccion, algo cu analista, hues y observadornan internacional ta teme lo yena corte cu huesnan cu color politico y tiki experiencia. A genera protesta y welganan mayor y critica amplio di inversionista y institucionnan financiero.

Siman pasa, embahador Mericano, Ken Salazar a yama e propuesta un “riesgo” pa demoracia cu lo pone relacion comercial di Mexico cu Merca den peliger. Lopez Obrador a critica e embahador, bisando cu el a viola soberania Mexicano.



Salazar desde esey a baha su tono, skirbiendo riba X cu e ta abierto pa dialogo.

Lopez Obrador a bisa durante su sesion di prensa diamars mainta cu e ta kere cu e comentarionan skerpi no tabata di Salazar, sino di Departamento di Estado Mericano. “Nos no ta bay bisa [Salazar] pa bandona e pais,” el a bisa. “Mi ta spera cu nan priminti pa respeta independencia Mexicano, soberania di nos pais. Pero te ora esey pasa, y nan continua e politicanan aki, e ta den pausa.” El a agrega cu “nos ta bay tuma nos tempo,” ricibiendo hari-

mento di algun reportero.

Lopez Obrador tambe a acusa Canada di interferi cu un asunto interno pa expresa duda tocante e propuesta. E tres pais aki ta comparti un relacion comercial crucial cu a alcanza alrededor di \$1.8 triyon den comercio na 2022. Te awo, e tension no ta muestra señal cla con por afecta e relacion diplomatico y economico largo entre e paisnan.

A pesar cu Salazar a skirbi riba X cu e ta respeta soberania Mexicano, miembronan di Comité di Relacion Exterior di Senado Mericano, incluyendo

senador Republicano, Marco Rubi y senador Democrata, Tim Kaine, a emiti un declaracion conhunto bisando cu nan ta “profundamente preocupa” tocante e reforma hudicial y otro reforma proponi pa e Constitucion, cual nan ta bisa por “contradeci compromiso” haci den nan acuerdo comercial.

E comentarionan probablemente lo irita e lider populista mas ainda.

Secretario Mexicano pa Relacion Exterior, Alicia Barcena a bisa riba X cu e ta sostene Lopez Obrador den critica loke

el a yama un politica “intervencionista” di Merca y Canada. Sinembargo el a agrega den e mesun post cu e relacion tri-lateral tabata un “prioridad” y cu e lasonan ta continua segun “normal.”

E comentarionan recién dirigi den direccion di embahador Mericano ta yega memey di tension eleva entre e dos gobierno den lunanan recién despues cu Merca a detene narcotraficante Mexicano, Ismael ‘El Mayo’ Zambada den un set di evento peculiar. Mientras mas informacion a keda revela den e caso, Lopez Obrador a asumi un tono cada bes mas fuerte, segun Carlos Perez Ricart, analista politico cu Centro pa Investigacion y Enseñansa Economico Mexicano. “Den otro circunstancia, den otro contexto, e lo por a djis tende, no escala e conflicto,” Perez Ricart a bisa. “Den lunanan recién nos a mira declaracionnan hopi mas radical contra Merca.”

Lopez Obrador ta programa pa pasa e mando na su aliado politico y presidente-electo Claudia Sheinbaum, kende ta asumi su cargo dia 1 di october. Perez Ricart a bisa cu mientras tension recién por pone un peso riba e prome muhe presidente di Mexico, tambe por yud’e separa su mes como un hefe di estado mas modera.



(AP) — A emiti un orden di detencion contra un di e abogadonan mas poderoso na Chile diamars ultimo pendiente un huicio pa labamento di placa y fraude di impuesto, den un caso cu a sacudi e elite corporativo y politico di e pais.

Despues di cinco dia di audiencia, un corte den e capital a acepta e solicitud di fiscalia pa transferi abogado criminal, Luis Hermosilla na custodia di estado.

Esaki tabata e desaroyo mas recién den un scandal di corrupcion di perfil halto cu a

rementa november ultimo ora grabacionnan di audio cu a leak a parce di muestra Hermosilla bisando un ex-cliente di soborno cu e tabatin plan pa paga oficialnan na e dos regulador principal di mercado Chileno. Hermosilla a rechasa tur cargo, pero e no ta disputando e autenticidad di e grabacion. Su abogado e siman aki a bisa cu a “manipul’e” pa discuti e pagonan ilicito. E investigacion mas amplio a atrapa hues, politico y comerciantenan prominente, sacudiendo un pais consistentemente considera entre e menos corrupto di e region y menasando pa mancha e reputacion di Chile como un favorito di institucionnan financiero internacional.

Tambe diamars, corte a acusa otro abogado Chileno, Maria Leonarda Villalobos y su esposo, Luis Angulo, pa labamento di placa y crimen di impuesto

den e mesun caso. Ambos ta rechasa e acusacionnan.

Hues a duna orden pa Hermosilla y Villalobos keda cera pendiente huicio, citando “un sospecha serio y bon funda cu e acusado por obstrui e investigacion.” A pone Angulo bao aresto domiciliario den anochi. E grabacion di audio a keda revela prome pa noticiero investigativo Ciper Chile, cu a bisa cu a hacie durante un reunion anteriormente e aña aki involucrando Hermosilla, Villalobos y otro abogado desconoci, hunto cu comerciante Daniel Sauer. Regulador financiero di Chile tabatin compania di brokerage di Sauer bao investigacion pa fraude. E combersacion tabata enfoca riba posible pago di soborno pa oficialnan na autoridad di impuesto Chileno y regulador financiero como manera pa resolve e problemanan legal di Sauer.

“Aki nos ta haciendo algo estúpido cu ta un crimen,” por scucha Hermosilla ta bisa na dado momento den e combersacion cu a dura alrededor di un ora.

Sauer, su ruman homber y su partner di negoshi a keda acusa cu fraude e aña aki den e caso. Nan a rechasa cu a haci algo fout. E scandal creciente a conduci na investigacion riba autoridadnan di impuesto y Tesoro Chileno, resultando den acusacion di dos oficial pa cargonan di soborno siman pasa pa supuestamente ricibi pago di Villalobos.

Fiscalia ta bisa cu Hermosilla, Villalobos y su esposo, Angulo a beneficia di e rikesa adkeri ilegalmente di clientenan di Hermosilla, ricibiendo miyones di dollar di companianan perteneciendo na rumannan Sauer y nan partner comercial. Fiscalnan tambe ta acusa nan

di evadi alrededor di \$900mil den impuesto.

Te cu e scandal a bira conoci aña pasa, Hermosilla, 68, tabata talbes e abogado mas influyente di e pais, cu varios Chileno di perfil halto entre su clientenan, incluyendo Miguel Crispi, consehero principal di actual presidente isquierdista, Gabriel Boric.

Tambe el a fungi como consehero di Andres Chadwick, un minister di Interior bao expresidente derechista, Sebastian Piñera.

Transparency International, un vigilante anticorupcion, ta considera Chile como e di dos pais menos corrupto na America Latino, tras di Uruguay. Sinembargo, un rij di perfilonan di soborno di perfil halto involucrando comerciante y oficialnan poderoso den añanan recién a reduci confiansa den establecimiento politico Chileno.

Chile: Abogado poderoso deteni pa corrupcion den caso sacudiendo elite di e pais

Haiti: Varios miembro di gruponan arma morto durante operacion grandi contra e gangnan

(DiarioLibre) – Apenas un dia despues di e yegada di e vehiculonan blinda nobo MaxxPro cu a bin for di Merca, e Gobierno di Haiti a lansa e prome operativo grandi contra e gruponan arma na Puerto Principe cu e participacion di e Mision Multinacional di Apoyo na seguridad, polis di Haiti y e Forasan Arma.

E operacion a cobra bida di varios miembro di gruponan arma, mientras cu tres agente policial a resulta herida y ta ricibiendo tratamiento, segun e corant Le Nouvelliste ta informa. Ainda e autoridadnan no a informa tocante e cantidad di delincuente cu a fayece.

Un comunicado di e Mision Multinacional di Apoyo na Seguridad na Haiti ta indica cu e operacionnan den conhuntito, planifica cuidadosamente y dirigi pa Normil Rameau, director di e Polis

Nacional y Godfrey Otunge, comandante di e mision, a cuminsa diamars marduga y cu e zonanan operativo selecciona di e distrito di Bel-Air y Solino, como tambe e zona abou di Delmas.

“Cu esaki como e prome operacion selectivo di un alcance mas grandi, a informa e residentenan tocante e operacionnan y e criminalnan cu a purba opone resistencia a huy,” el a destaca.

E Gobierno di Haiti a reitera su compromiso di garantiza e regreso di paz y normalidad na Haiti. Nan a adverti e miembronan di e gruponan arma cu e operacion aki ta solamente e principio y cu e accionnan di seguridad posterior ta bay keda asina.

E testigonan a observa mas cu un dozijn di vehiculo blinda na diferente bario di Puerto Principe y a reporta tironan, particularmente den e barioman di Bel-Air y Delmas 2.



E prome minister di Haiti, Garry Conille, a participa diamars anochi den e reunion di siguimento di e operacionnan aki cu a wordo lansa y na mesun momento a gradici e polisnan pa nan trabou.

“Mi ta feliz di participa awe nochi den e reunion den e Centro di Operacion di Emergencia di Polis, cu e comando di polis, forsan arma y e hefe di e mision di Kenia, pa discuti e balans y

evalua e operacionnan cu ta tumando luga den e tereno y tambe pa scucha e noticianan balente di e polisnan herida,” el a bisa.

Conille a anima e comandantenan pa sigui avansa “cas pa cas” contra e criminalnan. “Mi ta gradici e polisnan, den nomber di e poblacion, pa boso sacrificio. Mi ta segura cu e gobierno no ta bay laga nan liber. Nos no ta bay dal ni un stap atras,” el a indica.

Alrededor di 20 vehiculo blinda encarga pa e gobierno anterior na e Emiratoman Uni a yega Haiti, mientras cu e comando sur di Merca a anuncia cu nan a cuminsa entrega 24 vehiculo MaxxPro resistente na minanan y protegi contra emboscada. Den total e dos carganan aki ta suma 44 vehiculo blinda pa enfrente e gruponan arma.

Puerto Rico: Sindicato di UPR ta optimista cu e Junta de Gobierno ta aproba e aumento salarial

(ElNuevodia) – E Sindicato di Trahadonan di e Universidad di Puerto Rico (STUPR) a ratifica diaranson un acuerdo cu e administracion di e sistema universitario, cu ta inclui un aumento salarial pa empleadonan no docente, pero e gremio tambe a habri caminda pa un voto di welga preventivo den caso cu e convenio no wordo aproba diahuebs den e Junta de Gobierno di e institucion universitario.

“Aworaki ta resta pa e Junta de Gobierno continua cu a tramitenan cu ta corresponde nan y nos ta confia cu, mesos cu e representantenan di e administracion a haci, nan ta ratifica e acuerdo y somete esaki cu un recomendacion faborabel na e Junta de Supervision Fiscal,” e presidente di STUPR, David Muñoz Hernandez, a expresa despues di sali di e asamblea cu a reuni decenas di miembronan di e grupo colectivo sindical na e

Jardin Botanico di UPR, na Rio Piedras.

Segun e stipulacion di acuerdo, a aproba pa e Plan di Clasificacion y Retribucion pa e personal no docente tin un salario basico di 13 dollar pa ora, pa e sindicato scoge nan mesun plan di cuido medico y e otorgamento di nombra-

mentonan permanente na e empleadonan cu ta cumpli cu e condicionnan acorda.

“Si pa 31 di october di e aña aki e Junta de Control Fiscal no lo aproba e Plan di Clasificacion y Retribucion, e ora lo ta na vigor un aumento di 10.50 dollar pa ora, cu lo a drenta na vigor dia 1 di juli,

y cada trahado cu ta miembro di e sindicato ta ricibi un pago di 3.500 dollar mientras cu e Junta ta aproba e plan nobo,” Muñoz Hernandez a splica.

El a remarca cu e medida suplementario aki lo mester wordo paga no mas laat cu dia 1 di november. E acuerdonan a wordo res-

palda pa tur e miembronan di ambos comite negociador dia 16 di maart y a wordo eleva na e Junta de Gobierno di UPR pa e presidente di e institucion, Luis Ferrao, dia 19 di augustus.

“Nos ta spera cu loke ta miho sucede. Si esaki no pasa, e registro tambe, unanimamente a apoya un voto di welga preventivo den caso cu e Junta de Gobierno no aproba e acuerdo,” e lider sindical a indica.

E sindicato di Trahadonan di e Universidad di Puerto Rico ta agrupa tur e trahadonan di mantenimiento, construccion y servicio agricola di e sistema universitario, cu excepcion di e local di Mayaguez.

“Nos ta optimista, pero realista. Esaki ta algo hopi serio y esaki ta e trabou, e futuro y e famia di esunnan di nos. Nan mester apoya e trabou. Nos lo wak diahuebs si di berdad tin boluntad,” el a pidi na e Junta de Gobierno di UPR.



MIRA BO CELULAR PA UN MENSAHE

4.6 – 5 SECONDE

VELOCIDAD: 45 - 50 KM/h

VELOCIDAD: 85 - 90 KM/h

Sin a mira caminda

Sin a mira caminda

Dolly Parton lo manda buki gratis pa muchanan den 21 estado y alrededor di mundo

(AP) - Dolly Parton su tata a crece pover y nunca a ricibi e chens di siña con pa lesa.

Inspira pa su criansa, e leyenda di 78 aña a haci su mision durante e ultimo 3 decada pa mehora habilidadnan literario via su programa di regala buki Imagination Library. El a expande den henter estado na luganan manera Missouri y Kentucky, dos di 21 estado unda tur mucha bao di 5 aña por inscribi pa ricibi buki na nan cas mensualmente.

Pa celebra, el a haci stop diamars na ambos estado pa promove e programa y conta e storia di su tata, Robert Lee Parton, ken a fayece na aña 2000.

“Den montaña, hopi persona nunca a ricibi e chens di bay scol pa motibo cu nan mester a traha na cunucu,” el a bisa na



Folly Theater di Kansas City, Missouri. “Nan mester a haci

tur loke nan tabata por pa mantene resto di e famia.” Parton, e di 4 di 12 yiu di un famia pover a bisa cu su tata tabata “un di e personanan mas sabi cu mi a yega di conoce,” pero e tabatin berguensa cu e no por lesa.

Pa e motibo aki, el a dicidi di yuda otro muchanan, inicialmente cuminsando e programa den Tennessee na 1995. El a plama rapidamente y awe mas di 3m iyon buki ta ser manda cada luna. Desde cu e programa a cuminsa, bukinan a ser manda na mas di 240 miyon mucha na Merca, Canada, Reino Uni, Irlanda y australia.

Missouri ta cubri henter e gasto di e programa, cual tabatin un total di 11 miyon dollar den gasto den e ultimo aña fiscal. Mayoria di e otro estadonan ta aporta placa via un modelo di comparti e gastonan.

“E muchanan a cuminsa yamami ‘e señora di e bukinan’,” Dolly Parton a bisa. “Y

mi tata tabata mas orguyoso di esey cu mi status como cantante. Sinembargo el a cuminsa sinti manera e tambe a haci algo great.” Na Kentucky, Imagination Library ta yega muchanan den tur 120 parti, gobernador Andy Beshear a bisa na un evento diamars cu Parton. Mas di 120,000 muchanan di Kentucky, casi mita di tur esnan di bao di 5 aña den e estado, ta actualmente inscribi pa ricibi un buki via e programa, primera dama Britanny Beshear a bisa.

E ta encurasha famianan pa lesa hunto y e ta permiti e muchanan tin nan propio libreria personal prome cu nan cuminsa crèche of scol, sin gasto na nan famia.

E ta un gran manera pa siña muchanan for di ora cu nan ta chikito pa stima buki y siña con pa lesa,” Parton a bisa durante e evento na Lexington, Kentucky.

Parton, ken a gana Grammy Lifetime Achievement Award un decada atras, a bisa cu

eventualmente e kier mira e programa den tur estado. Mientras tin su presencia na tur, solamente 21 tin legislacion cu ta permiti e muchanan di bao di 5 aña inscribi. El a bisa cu e ta orguyoso cu su tata a biba suficiente tempo pa mira e programa crece.

“Esey ta un tipo di honor pa mi tata. Bijbel ta bisa honra bo tata y bo mama,” Parton a comenta. “Y mi no ta kere esey ta nifica solamente obedece. Mi ta kere e ta nifica trece honor na nan nomber y nan persona.”

Parton ta un autor su mes ken su bukinan ta inclui e buki infantil “Coat of Many Colors,” cual ta parti di e programa.

Mientras e tabata prepara pa canta su cantica famoso di e mesun nomber, el a splica cu e ta tocante un jacket cu su mama a traha p’e cu varios pida di tela, mirando cu e famia tabata demasiado pover pa por cumpra un pida di tela grandi. Parton tabata orguyoso di esaki pa motibo cu su mama a bisa cu e ta similar na un jacket di varios color cu ta conta den bijbel, un regalo fantastico di Jacob pa su yiu homber.


Su compañeronan di klas sinembargo, a hari’e. Pa añanan largo, el a bisa cu e experiencia tabata “un dolor hopi profundo.”

El a bisa cu pa medio di skirbi y interpreta e cantica, “e dolor a djis bay.” El a ricibi cart durante e añanan for di personanan bisando cu el a haci mescos pa nan.

“E hecho,” el a conta, “cu e cantidad aki a nifica asina hopi no solamente pami pero pa asina hopi otro persona pa motibonan diferente, ta haci esaki mi cantica favorito.”



Filomena College Mavo a yama tur mucha bon bini



Filomena College Mavo na San Nicolas a yama su alumnonan un bon bini na aña escolar 2024 – 2025.

E prome siman, e scol a cer'e cu algun actividad pa cada nivel escolar. Pa Ciclo Basico 1 a organisa un encuentro social na Centro di Barrio Brazil unda cu e alumnonan a hunga varios wega popular cu otro. Ciclo Basico 2 a tene un bustrip bishitando varios lugarnan turistico di Aruba manera Lighthouse, Casibari Rock Formation y Bushiribana. Ciclo Avansa 1 a haya les di desaroyo propio den Theresa Center duna p'e maestro Marvin Odor.

Un curso di fotografia usando nan celular a ser brinda y cu esaki nan a haya e.o. e tarea di saca potret di e bida di cada blachi di mata di naturalesa. Ciclo Avansa 2 a tene un dia deportivo social na Eagle Bowling. Riba e potretnan por mira algun di e alumno- y nan maestronan na e respectivo actividadnan. Directora- do y e team di maestronan ta sumamente agradecido na cada mayor y alumno pa e confiansa deposita den nos y ta desca tur, tur clase di exito e aña aki.



WWW.BONDIA.COM

CAREER SPOTLIGHT BY AHATA



ELEAZER CLEMENCIA

1998
Bellman
La Cabana Beach Resort and Casino

2020 - present
Director of Security and Surveillance
Eagle Aruba Resort

Atletanan di Giants Aquatics ta representa Aruba den exterior

Recientemente e campeonato di Age Group Swimming Championships a tuma luga unda Aruba a ser representa pa atletanan di Giant Aquatics.

E campeonato ta organisa pa PanAm Aquatics, cual ta un cuerpo di gobernacion pa 7 disciplina den deportenan acuatico den Norte America, Sur America y America Central.

E disciplinanan aki ta landamento artistico, landamento, diving, high diving, water polo y awa habri. E ta e organisacion cu ta trece deportenan acuatico hunto den Americas cu e meta di desaroja deporte acuatico y yuda e participantenan logra excelencia individual tanto den deporte y den bida.

Giants Aruba a presenta su atletanan, kendenan a tene e nomber di e isla na halto, representando e isla na e campeonato cu a tuma luga na San Juan e aña aki.



Atleta Elliott Loonstra lo representa Aruba na Weganan Paralimpico Paris 2024



Minister di Enseñansa y Deporte Endy Croes ta desea e hoben atleta Elliott Loonstra hopi exito na Weganan Paralimpico 2024 cu lo tuma luga na Francia, Paris.

Siman pasa, e delegacion Paralimpico Aruba a biaha pa Paris y diaranson, 28 di augustus 2024 A inicia cu e competencianan. Esaki ta e di dos biaha cu Elliott Loonstra ta representa Aruba den Weganan Paralimpico. Prome cu

su biahe, el a obsekia Minister Endy Croes e uniform oficial cu e lo uza durante Weganan Paralimpico.

‘Nos ta hopi orguyoso di bo, paso bo a demostra varios biaha caba cu bo por esaki’, Minister Endy Croes a expresa. Pa finalisa, e mandatario di Deporte a gradici Elliott pa e bunita detaye y ta desea tanto Elliott y staf cu ta compañand’e hopi exito. Cu disciplina, deseo, dedicacion y determinacion ta logra.

SV Britannia a titula campeon di Copa ABC na Boneiro

Diabierna ultimo, Minister di Enseñansa y Deporte Endy Croes a ricibi ekipo di SV Britannia cu a titula campeon di Copa ABC na Boneiro. SV Britannia ta nos campeon di Division di Honor 2023-2024 y bay representa Aruba na Boneiro den Copa ABC di 15 pa 19 di augustus ultimo.

Un total di cuater (4) team a participa, esta Real Rincon campeon di Boneiro, Vespo subcampeon di Boneiro, Young Colombia campeon di Corsou y Britannia campeon di Aruba. Den final Britannia a hunga contra Young Colombia di Corsou y a derota Young Colombia cu e score di 2-1 y asina titula campeon



di Copa ABC. E gol a keda anota pa e hobennan deportista Peter Susebeek y Fernando de Sousa.

Prome biaha den historia cu Britannia ta gana Copa ABC y den nomber di Gobierno di

Aruba, e mandatario di Deporte a otorga e medaya di 4D. Sr. Reinaldo Geerman cu ta forma parti di directiva di SV Britannia a indica cu den final Britannia tabata perdi 1-0, pero cu disciplina y determinacion di e team a



logra gana e wega y trece e copa Aruba.

Minister Endy Croes a gradici e presidente, coach, directiva y henter e ekipo di SV Britannia cu a representa Aruba dignamente den Copa ABC

na Boneiro. Alabes ta felicita nan cu e gran triunfo aki.

Cu disciplina, deseo, dedicacion y determinacion ta logra.

Competencia Febiar bola 8 ta den ful swing!



E palacio di biyar aya na Tanki Leendert, net n'e segundo piso dje luga caminda e mucha muhe cabey cora ta hasa "chicken", ta manera un neishi maribomba den e dianan aki cu actividadnan di biyar.

No solamente tin e torneo

p'e barbachinan di 60+, pero tambe tin e candeloso competencia di FEBIAR bola 8 pa ekipo. Un evento cu t'ey tur aña den lunanan di augustus te october. Cos tabata hot ultimo dianan aki, y p'esey ban pa duna un recap di locual a pasa.

Steelers ta gana di chiripa di Gladiators cu score di 5-4! Un bataya sumamente emocionante caminda te na ultimo Emil a dicidi e encuentro na fabor di Steelers. Mester menciona cu dado momento Gladiators tabata gana cu 3-1, pero un caminda e gladiatornan a cuminsa dal den hero

duro. Bataya a empata na 4-4, y aki ta caminda Emil a duna "Spartacus" su boleto pa cas.

Un wega cu a bay estilo "masacre" tabata esun di Barracuda, kende a baha style di piranha riba e pober cachonan brabo di Mad Dogs. Kayay kayay a skeiro rond y e cachonan a retira malamente mordi ora Barracuda a dal nan 5-0! Otro team cu a haya un sota "sin piedad" tabata e ekipo di No Mercy! "Zonder medelijden" e team di Mongoose a raspa nan cu score monster di 5-0!

Ban awo p'un encuentro epico! Mongoos ta bay "till the end" cu e Gladiators, y den un berdadero "thriller" ta logra gana cu score di 5-4! Aki e heroe dje anochi pa Mongoose tabata "Terrible from Catiri" Jorge Petrochi, kende a dal "Gladiator Omarum Acostus" cu 2-0, pa dje moda ey "close the deal"

pa Mongoose! Otro bataya impactante tabata e encuentro "biblico" entre Barracuda vs Steelers, caminda Barracuda a logra "edge" Steelers cu score di 5-4! Heroe pa Barracuda e anochi ey tabata Marlon Tromp, kende a pone Ari Jansen bira standbeeld cu score di 2-0, pa asina cera e anochi cu victoria.

Por ultimo, No Mercy keto bay ta hayando palisa sin misericordia wega tras di wega. E biaha aki ta Mad Dogs ta suta nan cu score di 5-1!

Y Shonnan, cosnan no ta cla ainda! Diabierna awo, 30 di augustus, lo ta bay tin "high tension" aya na Tanki Leendert ora Gladiators enfrenta Barracuda; Mongoose confronta Mad Dogs, y Steelers baha sin piedad riba No Mercy! Weganan ta cuminsa 7:35 di anochi, y entrada pa pueblo en general ta completamente gratis! Yegaaa!

Organisadornan di sorteo automatiza pa e formato nobo di Champions League ta insisti cu esaki ta safe di hackernan

(AP) - Organisadornan di e sorteo di Champions League cu ta depende riba un software a bisa diaran-son cu e lo ta lihe y safe di hackernan.

UEFA a contrata un agencia di tecnologia especialista cu lo yuda crea e weganan diahuebs den e formato di single-league di 36 ekipo cu ta reemplasa e etapa di grupo tradicional cu por ser haci manualmente cu bala cu ta saca for di un comchi.

"Nos a tuma tur paso necesario pa nos haci esaki lo sigur y safe cu por," segun David Gill di AE Live, e agencia di software Ingles cu a diseña e proceso di sorteo pa un ceremonia na Monaco. "Esaki no ta algo nobo pa nos."

Gill a bisa cu e agencia tambe a traha cu FIFA y a enfrenta un "supply chain attack" despues di e invasion di Rusia na Ucrania. Despues cu e invasion a cuminsa den februari di 2022, FIFA y UEFA a

kita Rusia for di e weganen pa cualifica pa e Copa Mundial di 2022 prome cu e ceremonia pa e final na Qatar e april ey.

UEFA su secretario general diputado Giorgio Marchetti a bisa na un briefing e anochi prome cu e sorteo cu e tin confiansa completo riba AE Live, cual no a comparti e codigo di su software cu e organisador di Champions League.



Thomas Odukoya lo bira prome hungado Hulandes cu lo hunga den NFL den 24 aña



(NLTimes) - Proximo temporada lo ta e prome biaha den 24 aña cu un homber Hulandes lo hunga den NFL, e liga mas halto di futbol Americano. Tennessee Titans a scoge Thomas Odukoya di Almere pa e proximo temporada di NFL, cual ta cuminsa proximo luna.

E 'Tight End' a scucha diamars cu el a logra uni Titans su ekipo di 53 despues di un pre-temporada impresionante. Titans ta hunga nan prome wega di temporada regular dia 8 di september contra Chicago Bears.

"Mi a pensa cu mi no lo logra," el a conta NOS. "Esaki ta bay ta un dia dificil, nan a bisa, 'pa motibo cu nos lo mester manda cas varios hungado cu ta hopi bon. Y despues, 'pero esey no ta e

caso cu bo.' Mi no por a kere. Y despues nan a señala ariba na un camara scondi cu a graba mi reaccion," el a agrega.

Odukoya a ser firma prome pa Titans como un agente liber despues di NFL 2022 su scogencia di hungado despues di a hunga 340 wega pa Eastern Michigan University. E ta un hungado di reserva den e ekipo desde e tempo aki.

Esaki a bini despues cu e hoben di 27 aña a gana premio nacional Hulandes MVP mientras e tabata atende Helen Parkhurst High School na Almere. E tabata e capitan di e ekipo pa 3 aña na e scol.

E ultimo hungado Hulandes den NFL tabata Harald Hasselbach, ken a gana Super Bowl dos biaha cu Denver Broncos.

Preguntanan tocante e seguridad di Tesla su sistema di 'Full Self-Driving' ta aumentando

(AP) - 3 biaha den e ultimo 4 luna, William Stein, un analista tecnologico na Truist securities, a acept elon Musk su invitacion pa purba e versionnan mas recien di Tesla su sistema "Full Self-Driving".

Un tesla ekipa cu e tecnologia, segun e compania, por bay for di punto a pa punto b cu tiki intervencion humano. Sinembargo, cada biaha cu Stein tabata den un di e vehiculo, e ta conta, e vehiculo a haci maniobranan cu ta ilegal of no ta safe. Su test mas recien e luna aki, Stein a bisa, a laga su yiu homber di 16 aña cu a compaña'e "sumamente spanta."

Stein su experiencia, conhuntamente cu un accident na Seattle cu ta involucra e sistema di Full Self-Driving cu a causa e fayecimento di un motociclista den april, a hala atencion di e reguladornan federal. Ya caba nan ta investigando Tesla su sistema automatiza pa mas di 2 aña a causa di decenas di accident cu a causa preocupacion di seguridad.

E problemanan a causa cu personanan cu ta monitor



vehiculan autonomo a bira cada biaha mas dudoso di Tesla su sistema automatiza y si esaki lo por opera di manera safe na un escala amplio. Stein ta bisa cu e ta duda cu Tesla lo por sikiera yega cerca den desaroya un cantidad di robotaxi autonomo pa proximo aña manera Musk ta anticipa.

E incidentenan ma recien a bini na un momento critico pa Tesla. Musk a bisa e inversionistanan cu ta posibel pa Full Self-Driving opera di manera mas safe cu chauffeur humano pa fin di e aña aki, si no proximo aña.

Y den menos di 2 luna, e compania tin den schedule revela un vehiculo crea sola-

mente pa ta un robotaxi. Pa Tesla por pone robotaxi riba caya, Musk a bisa cu e compania mester demonstra reguladornan cu e sistema por maneha e vehiculo di manera mas safe cu ser humano. Bao reglanan federal, e Tesla lo mester cumpli cu standard nacional pa seguridad di vehiculo.

Musk a publica data cu ta muestra mianan cu a core pa cada accident, sinembargo pa solamente Tesla su sistema menos sofisticada Autopilot. Expertonan di seguridad a bisa cu e data aki no ta valido pa motibo cu e ta conta solamente accidentnan serio unda e airbag a activa no ta demonstra con hopi e chauffeurnan humano mester a



tuma over pa evita un accident.

Full Self-Driving ta den uso riba cayanan publico pa mas o menos 500,000 doño di Tesla, un poco mas cu 1 den cada 5 Tesla den uso dia di awe. Mayoria di nan a paga 8,000 dollar of mas pa e sistema opcional.

E compania a adverti cu e vehiculan ekipa cu e sistema no por stuur nan mes y cu e motoristanan mester ta cla na tur momento pa interveni si esaki ta necesario. Testa tambe ta bisa cu e ta monitor tur chauffeur su comportamiento y ta suspende nan habilidad di por usa Full Self-Driving si nan no monitor e sistema

adecuadamente. Recientemente, e compania a cuminsa yama e sistema "Full Self-Driving" (Supervised).

Musk, ken a admiti cu su pronosticonan den pasado pa e uso di stuur di manera autonomo tabata demasiado optimista, den 2019 a priminti un gran cantidad di vehiculo autonomo pa fin di aña 2020. 5 aña despues, varios di esnan cu ta sigui e tecnologia ta bisa cu nan tin duda cu esaki lo por funciona na Merca manera a priminti.

"E no ta ni cerca, y e no lo ta cerca proximo aña tampoco," Michael Brooks, director checutivo di Center for Auto Safety a declara.

SETAR ta orguyoso di contribui na e Student Development Fund di Universidad di Aruba

Diamars mainta e team di SETAR tabata presente na Universidad di Aruba pa entrega un check di Donacion hopi significativo.

SETAR pa di tres aña consecutivo ta contribui cu AWG 10,000 na e Student Development Fund di Universidad di Aruba. Un fondo cu ta wordo uza pa yuda studiantenan di Universidad di Aruba cu tin necesidad pa ayudo financiero durante nan estudio, por ehempel, pa costonan relata na nan estudio, costonan di vivienda of pa stage den exterior.

SETAR ta un partner di Universidad di Aruba pa hopi aña, aportando na diferente proyectonan di studiantenan y iniciativanan di Universidad di Aruba manera e Student Thesis Award. Ademá, nos coleganan di SETAR tambe ta aporta cu cono-



mento como guest speaker na diferente facultad.

Pa SETAR, como nos compania nacional di telecomunicacion, ta importante pa aporta continuamente na e futuro di nos isla y e generacion cu ta bin por medio di sosten na educacion, innovacion y co-

laboracion.

Ademá, SETAR ta sigui cu su compromiso pa conecta tur nos scolnan na Aruba riba e infraestructura di Fiber, contribuyendo asina tambe cu e futuro di tecnologia den educacion.



Dama involvi den un accidente na rotonde Cumana tabata keha di dolor di nek

Dialuna mainta a drenta informe di un accidente cu hende herida na rotonde Cumana, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu e chauffeur di un pick-up no a regula su velocidad ni a mantene distancia a bay dal tras di e Toyota Vitz. Debi na e impacto e dama chauffeur di



e Vitz tabata keha di dolor di nek. Na yegada di e ambu-

lans nan a atende e victima y a transport'e pa hospital.



Dama turista durante tour di quadracer a haci un mal maniobra y a bay accidenta contra un "box truck"



Dialuna mainta a drenta informe di un accidente cu hende herida na Tanki Leendert, mesora a dirigi tanto polis como ambulans na e sitio.

Na yegada di e patruya a bin compronde cu aki ta trata di un accidente unda cu un

dama turista riba un quadracer tour a haci un mal maniobra y a desvia bay dal riba un "box truck" di direccion contrario. Debi na e impacto e quadracer a bolter cune y el a resulta herida. Na yegada di e ambulans nan a atend'e y a transport'e pa hospital.

Den un pelea na un nightclub na Palm Beach nan a kibra e cacumbein di un persona



Dialuna madrug a drenta informe di un pelea formal na un nightclub na Palm Beach unda nan lo un persona herida, mesora a dirigi tanto polis cu am-

bulans na e sitio.

Na yegada di e patruya a bin compronde cu den un pelea nan lo a dal e y a kibra e cacumbein di un persona. Na

yegada di e ambulans mesora a pone e victima den e ambulans y a hib'e cu urgencia pa hospital.

Hoben di 26 aña a corta su pols pero no por a bay hospital cu ambulans paso no tin placa pa paga!

Dialuna madrug a drenta informe di cu un hoben di 26 aña lo a corta su pols y ta herida, mesora a dirigi tanto polis como ambulans na e sitio.

Na yegada di tanto polis como ambulans a medio trat'e pero e no kier ni por a bay hospital ya cu e no tin placa pa paga.



Pa su mesun seguridad y di otro polis a duna persona canando riba caminda un lift pa su cas

Dialuna madrug a polis nan riba e caminda di Tanki Leendert pa Oranjestad a nota un persona canando

riba e caminda bayendo Oranjestad.

Mesora nan a para papia cune

y despues di basta papiamento a dun'e un lift pa su cas.



Accidente cu hende herida pa falta di preferencia na Santa Helenastraat



Dialuna atardi a drenta informe di un accidente cu hende herida na Santa Helenastraat, mesora a dirigi tanto polis como am-

bulans na e sitio.

Na yegada di e patruya a bin compronde cu aki ta trata di un accidente pa falta di pref-

erencia unda un a bira dilanti e otro un dama di edad tabata keha di dolor. Na yegada di e ambulans a controla y atende e victimanan.



Accidente pa falta di preferencia banda di Mariniers Kazerne na Savaneta

Diamars mainta a drenta informe di un accidente banda di Mariniers Kazerne na Savaneta, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia. Afortunadamente ningun hende a resulta herida.



Boet a cay pa doño di compleho di apartamento despues cu pos a bay over dos biaha




Diamars mainta a drenta informe na polis di bario Oranjestad cu atrobe tin un viesedad den Celsiusstraat causa pa un pos cu a bay over causa daño na e caminda y molester na e habitantenan.

na e sitio y ta corda cu diabierna e doño di e compleho di apartamento den Edisonstraat a priminti di chica e pos pero parce cu e doño no a haci nada y polis a bay boet e basta pisa pa e daño y molester causa.

Mesora polis di bario a bay

Chauffeur a kita atencion pa haci algo otro den auto y a perde control accidenta na rotonde di aeropuerto



Dialuna anochi a drenta informe di un accidente na e rotonde banda di aeropuerto, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda cu e chauffeur a kita su atencion for di caminda pa coy algo den e auto y el a perde con-

trol y a bay dal riba un tubo di sosten. Aunke e impacto tabata fuerte pero afortunadamente ningun hende a resulta herida.

Desconocidonan a destrui windshield di Nissan March staciona den Edisonstraat

Diamars mainta a drenta informe di un caso di destruccion den Edisonstraat, mesora a dirigi un patruya na e sitio.

Na yegada di e patruya a bin

compronde cu aki ta trata di destruccion di e windshield di un Nissan March cu tabata staciona. Esaki lo a sosode entre e anochi pa mainta. Polis a tuma keho di e destruccion aki.



E meta di e encuesta aki ta pa
midi con ta experiencia sigu-

BCA ta invita comunidad pa participa na e encuesta aki. Si tin cualkier pregunta ariba e topico aki, por tuma contacto cu Sra. Lorraine Tromp, Senior Economist na Research Department di BCA, na (297) 525-2121 of via e-mail na l.e.m.tromp@cbaruba.org.

A group of performers in elaborate, colorful costumes and feathered headdresses posing on a stage. The background features large, illuminated letters spelling 'CARNIVAL' and the word 'Experience' in a cursive font.

Pa mas informacion, bishita www.casdicultura.aw of manda un e-mail na info@casdicultura.aw.

Culturanan di Carnaval ta un
espectaculo di ritmo, disfraz
espectacular, y presentacion

<div> <div> <div>Resultado Sorteo</div> <div>Augustus 28</div> </div> <div> </div> </div>		<div>Cadena Alexander Lottery ta presenta resultado di weganan di suerte</div>	
<div> <div>DIARIO</div> <div>0329</div> <div>1130</div> <div>4936</div> </div>		<div> <div>KORSOU</div> <div>9874</div> <div>7610</div> <div>2841</div> </div>	
<div> <div>SUPER4</div> <div>4644</div> <div>SUPER5</div> <div>-</div> </div>		<div> <div>FLAMINGO</div> <div>2426</div> <div>2754</div> <div>6972</div> </div>	
<div>MERDIA</div>		<div>ANOCHI</div>	
<div> <div>CATOCCHI</div> <div>Sorteo # 4371</div> <div>3294</div> <div>2681</div> <div>0815</div> <div>MULTI-X</div> <div>X2</div> <div>BIG 4</div> <div>Sorteo # 4371</div> <div>8045</div> <div>MULTI-X</div> <div>FP</div> <div>1OFF</div> <div>Sorteo # 2427</div> <div>3966</div> <div>ZODIAC</div> <div>Sorteo # 4371</div> <div>6948</div> <div>Leo</div> <div>LUCKY 3</div> <div>Sorteo # 1245</div> <div>247</div> <div>MULTI-X</div> <div>FP</div> </div>		<div> <div>CATOCCHI</div> <div>Sorteo # 8332</div> <div>3118</div> <div>1993</div> <div>8169</div> <div>MULTI-X</div> <div>X2</div> <div>BIG 4</div> <div>Sorteo # 7376</div> <div>7642</div> <div>MULTI-X</div> <div>FP</div> <div>1OFF</div> <div>Sorteo # 2081</div> <div>5334</div> <div>ZODIAC</div> <div>Sorteo # 6135</div> <div>2146</div> <div>Cancer</div> <div>LUCKY 3</div> <div>Sorteo # 1065</div> <div>304</div> <div>MULTI-X</div> <div>FP</div> </div>	
<div> <div>LOTTO 5</div> <div>Sorteo # 2522</div> <div>0 x Jackpot</div> <div>0 x Match 4+</div> <div>8 x Match 4</div> <div>265 x Afl. 12,00</div> </div>		<div> <div>01-07-19-28-32</div> <div>Joker 8 Letter H</div> <div>Proximo Jackpot</div> <div>275.000,-</div> </div>	
<div> <div>LOTTO DIA</div> <div>Sorteo # 6577</div> <div>0 x Jackpot</div> <div>9 x Match 4</div> <div>135 x Afl 8,00</div> </div>		<div> <div>08-13-15-17-28</div> <div>Proximo Jackpot</div> <div>54.000,-</div> </div>	
<div> <div>MEGA</div> <div>Sorteo #</div> <div>0 x Jackpot</div> <div>0 x match 4</div> <div>0 x Afl. 500.00</div> <div>0 x Afl 50.00</div> <div>0 x Afl.15.00</div> </div>		<div> <div>Mega Ball</div> <div>Proximo Jackpot</div> <div>900.000,-</div> </div>	
<div> <div>MEGA</div> <div>MEGA REUS</div> <div>Afl. 1.350.000,-</div> </div>		<div> <div>QR CODE</div> <div>QR CODE</div> </div>	

**Cas Di Cultura**

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra Violencia Relacional

Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19 Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel: 297-582-2219
Fax 588-3376

Famia Planea (SBVO)

Avenida Milio J Croes 17 B Aruba
297-588-9591
www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord (close to the hotels)
Tel: 736-2952 or 593-7081

**Dokter na warda**

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Paradera Centro Medico-
Tel. 588 6638 Tel. 584 4833
EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
San Nicolas **584-5712**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

Aruba Transfer Tour & Taxi C.A.
Tel: 582 2116 / 582 2010

Taxi Adres Services (24h)
Tel. 587 5900

A1 Taxi Services Aruba

Tel: 587-8850
Tel: 280-2828
Whatsapp: 592-7024

Taiwan ta prohibi concierto di rapper Chines a causa di material promocional ofensivo

(AP) - Taiwan a cancela un concierto na Taipei di un rapper Chines despues cu el a usa e termino ofensivo "Taipei, China" den material promocional.

Wang Yitai su concierto di dia 14 di september a ser cancela y e artista a ser prohibi di drenta e isla, segun Taiwan su gobierno su Mainland Affairs Council a anuncia diadomingo.

E termino ta ofensivo pa motibo cu e ta describi Taipei, e isla su capital, como un ciudad Chines bao Beijing su mando, cual ta imita e gobierno su posicion di eventualmente conecta Taiwan cu forsa si ta necesario, denigrando e isla su democracia.

No hopi conoci fuera di China, Wang ta pertenece na un compania di rap na Chengdu, un ciudad cu un escena di arte bibo cu a bira famoso pa artistanan y sitionan eclectico. Tambe e ta cas di e grupo di rap CD Rev, cual a haya atencion in-

El Chalan Bar Restaurant & Import

ta busca
"Night Cleaner"
Por yama na
Tel : 582 7591

218306

Auntie Anne's

ta busca
"Counter Bediende"
Por yama na
Tel : 582 8995

218304

MSD Master Cars Garage

ta busca
"Auto Monteur"
Por yama na
Tel : 699 3389

218305

Albacore Trading Company-Green Fish Aruba

ta busca
"Cost Controller"
por yama na tel : 5871745

218301

Areca Complete Services

Mester di
Cleaners
Por yama na 7435161
of pasa na
Tanki Flip 55 pa aplica.

218249

CLAU CORPORATION NV

Ta Busca:
JARDINERO
Orario di trabou 6am pa 3pm
(1 ora di break)
Interesado yama/whatsapp:
Cel 5923266

218239



ternacional pa su cancionnan nacionalista, incluyendo esnan cu ta compara Taiwan cu e ciudad semi-autonomo di hong Kong y a haci referencianan obsceno y misogeno na e ex president Tsai Ing-wen.

China regularmente ta prohibi entrada na artistanan di Taiwan, hopi di nan kende ta popular na e partinan principal, pa cualkier señal di sosten cu nan expresa pa e partido den mando Democratic Progressive Party cu ta faborece e isla su independencia de-facto for di China.

Mientras cu Taiwan regularmente ta duna bon bini na artistanan di China y su gobierno ta considera inter-

accionnan musical den bista positivo, Mainland Affairs Council a bisa cu "mester haci interaccionnan basa riba e principio di respet mutuo y ricibi loke bo ta duna y cualkier publicacion of promocion cu ta insulta Taiwan su status no lo ser tolera."

Mientras cu Taiwan su nomber oficial ta Republic of China, despues di e gobierno cu a huy na e isla den 1950 den medio di guera civil, e ta conoci mundialmente como Taiwan y ta competi na Olimpiada como "Chinese Taipei" diferente na Beijing, cual su presion a reduci e isla su cantidad di aliadonan diplomatico formal na solamente 12.

Pronostico di tempo

Tempo:

Awe tardi y awe nochi: parcialmente nubia y generalmente seco
Den marduga y mañan: temporalmente hopi nubia cu un awasero breve

Temperatura maximo 34 grado Celsius
Temperatura minimo 28 grado Celsius
Indice di calor (heat index) den y rond di oranan di merdia: 35 pa 42 grado Celsius
Uv index: 12

Bahada di solo: 6:53pm
Subida di solo: 6:29am

Biento:

Moderado for di direccionnan entre oost-noordoost y oost-zuidoost; forsa 3 te 4 (12 te 30km/ora, 7 te 16 nudo). Durante di dia basta fuerte te posiblemente fuerte den rafaga; forsa 5 te 6 (31 te 50km/ora, 17 te 27 nudo)

Situacion general di**tempo:**

Na e momentonan aki no tin disturbio cu por afecta weer local. Humedad disponibel den region por combina cu e calentamento di dia pa induci un awasero local.

Condicionnan maritimo/estado di lama:

Na partinan protegi di costa: keto, rond di 1 pia.
Na partinan zuid: tranquil te modera, rond di 2 pia.
Na partinan oost te noordwest di costa: modera cu olanan alrededor di 3 pa 4 pia.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

"No me llores, porque si lloras me apeno.
Encambio si tu me cantas yo siempre vivo y nunca me muero"

Juan Gilbertus Schwengle

Cariñosamente yama
"Viejo, Tati, Juany,
Mr. Schwengle"

*06-10-1955 -
†23-08-2024



Na nomber di:

Su forever love: Odalayne "Oddy" Schwengle-Croes
Su yiunan:

Josette Schwengle y Sandra Correa Ospina
Tahnee Schwengle
Nathan-John Schwengle

Su curazonnan:
Chanelle Odalayne y Clyde-John Maduro
Izaac Sean y Damian John La Croes
Jayden y Christopher Abma Correa

Mescos su nieto/a nan:
Jaydrick Odor, Nicole Robles, Abigail Kock, Aidan La Croes

Su ruman nan:
Filomena "Mena" Schwengle y famia
Margarita "Greta" Schwengle y Famia
†Ingrid Odor-Schwengle y famia
Famia Schwengle na Hulanda
Stima manera ruman:
Amne Hamoud y famia
Diana y Marlon Pieters y famia
Juni y Ellen Pereira y famia
Esther Ofringa y famia

Su unico tanta stima:
Hendrika "Dika" y Edwin Angela-Marin

Su swa y cuña nan:
Aiza Croes y famia
Aldrich y Irene Croes y famia
Randall y Ana-Maria Croes y Famia
Roland Odor

Su subrina/a nan:
Christine, Krystle, Jarlath, Randall, Wesley y Nasya
Kevin, Johnathan, Celine, Silvianne

Su primo/a nan mas yega:
Mariana Jimenez y famia, Andres Garcia y famia, Alex
Aponte y famia, Vladimir de Cuba y Famia, Fidel de
Cuba y Famia, Mirta, Linda y Micka Rasmijn y famia,
Mayra v/d Linden y famia, Famia Marin, Aurita Maduro
y famia

Stima manera mama: Magda Steenen y famia Daphne
Arends y famia

Stima manera tanta: Erla y Marcia y famia

Su comadre y compadre nan stima:

Sonaly Fernandez y famia
Egbert Frigerio y famia Edi Diaz y famia
Rudje Arends y famia
Carlos Bulos y famia
Paul Croes y famia

Su amigo/a nan stima:
Blanca y Jorge, Carlos Molina, Zeldy y Godfried,
Carmen y Bito, Mayon, Quetica y Brian, Armand,
Harold y Yvone, Aurita, Cinthia, Marieta, Emily,
Estrellita, Mientje, Eveline, Anchie, Elvia y Alex,
Miriam, Desiree, Gloria, Benita, Minerva, Sharlene,
BabyJoy y famia, Zilia y famia, Jani y famia

Su bon amigo/a nan di:
Grupo Theatral Kibrahacha "GTK", DC Brothers,
Colegio Gang y Djiespies
Su ex-collega nan di: St. Dominicus College, Directie
Onderwijs Aruba, Scol di Amor, Traimerdia, ECA NV
y Mascaruba

Demas famia, amigo/a nan y conocir nan:

Schwengle, Croes, Marin, v/d Linden, Verhoeke, Odor,
Aponte, Angela, Jimenez, Wever, Rasmijn, Thijsen,
Acosta, Rosales, Maduro, Krozendijk, Valentijn,
Boerman, Brokke, La Croes, Fernandez, Tromp, de
Cuba, Hernandez, Correa Ospina, Garcia, Heymering,
Ruiz, Fingal y Martinez

Un danki ta bai di curason na:

Dr. Joaquin v Trigt y staff
Dr. Casper Lacle y staff
Dr. Romeo Kock y staff
Personal di Ambulance y polis cu a lucha te na fin
Su ayudante nan di cas:
Milena, Pedro, Julio y Surette

Ta invita pa e acto di condolencia dia 02 September
2024 di 7.00pm - 9.00pm na Aurora Funeral Home.
Despedida lo tuma lugar dia 03 September 2024 di
1.00pm - 4.00pm na Aurora Funeral Home.
Nos disculpa si por a lubida di pone algun famia,
amigo/a of conocir. Despues di despedida nos NO ta
ricibi bishita na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Jesus a bise: "Amita e resurekshon i e vida, esun cu kere den
Mi lo biba, maske e muri, i tur esnan k uta biba i ta kere den
Mi lo no muri nunca, Bo ta kere?"
Juan 11:25- 26

Cu hopi dolor na nos curason pero conforme cu voluntad di
Dios nos ta anuncia fayecimento inespera di nos casa, tata,
opachi/awelito, ruman, tio, primo y amigo stima:



Pedro H. Croes

Mihor conoci como "Tico" of "Pachi"

Casa: Rita Croes-Plaza
Yiunan: Zuzette Croes
Zahaira Croes & Rapha Pantophlet
Nieto-/Nietanan: Ameer Lioe-A-Tjam
Amaury Lioe-A-Tjam
Evander Nedd
Brady Pantophlet
Brianna Pantophlet

Rumannan:
Sra.Vda. Rosa Evelina Holman- Croes
Sra. Clara Aurora (Aura) van Ommeren- Croes y Reuben
(Boy) van Ommeren
Juffr. Gloria Maria Croes
Sra Ida Philomena Croes
Manera Ruman: Julia Calero
Swa-/Cuñanan: Zonaida, Juan Rebelledo- Plaza y famia na
Argentina
Jolanda Plaza y famia na Colombia
Fernando, Rosa Plaza- Navas y famia na Colombia
Carmen Garcia y famia na Colombia
Marlene Garcia y famia

Sobrina-/sobrinanan: Jorge , Esther Jaquin y famia, Anna
Maria Holman y famia, Ryan, Charlaire Alexander y famia,
Darren van Ommeren y Amber Benitez y famia, Clarice
Holman y famia, Kevin van Ommeren y Janira Kock y
famia

Su Primo-/Primanan: Croes, Tchong, Wever, Lacle,
López,Flemming (Aruba y Corsou), Koolman, Samson
Ex -Coleganan: Aruba Caribbean Hotel & Casino, Crystal
Casino, Maggy's y otro nan.

Su bon bisñanan: Balza, Cruz, Orozco- Sarmiento,
Gastelbondo, Mejia, Diaz y Wilford
Su Ihanan: na Aruba y Colombia
Su comer-/compennan: na Aruba y Colombia
Amiga stima na Orlando, FL.: Ramona Brunk
Amigo-/Amiganan: Walter "Cholin" Croes, Daisy Cugia y
famia
Aljadis Calero y famia, Carmen,
Manuel y famia, Juana Koolman y famia, Melvis Charrys
y famia

Demas famia: Croes, Plaza, Garcia, Henriquez, Bisslik,
Lioe-A-Tjam, Nedd, Pantophlet, Nava, Zschuschen,
Gomez, Holman, van Ommeren, Alexander, Huntington,
Jaquin, Bremer, Blom, Solognier, Jacobs, Inecia, Mozo-
Diaz, Fingal, Tromp, Tevreden y Loaiza.

Nos ta invita tur demas famia, amigo, bisña y conocirnan
pa asisti na acto di entierro cual lo tuma lugar diahuebs 29
di augustus 2024, di 2or pa 4or di atardi na Misa La Birgen
di Fatima na Dakota despues pa Santana di Sabana Basora.

Oportunidad pa condolencia lo ta dianrason, 28 di augustus,
2024, di 7or pa 9or di anochi na Aurora Funeral Home.

Nos disculpa si den nos tristesa nos por a lubida di menciona
algun famia.

Nos ta lamenta cu despues di entierro nos no ta ricibi bishita
di condolencia na cas.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Paz mi ta Laga pa boso , mi Paz mi ta Duna boso no manera
e mundo aki , no Laga boso curazon bira intrankiel ni lague
tene miedo .
Juan 14:27

Cu dolor y di tristeza ta anuncia fayecimiento na un bonita
edad di 96 aña di nos mama, wela, bisawela, ruman, tía,
prima, comer stima:



Sra. vda. Crescentia Anjie-Tromp

Mihor conoci como "Chencha".

Di parti di su yiunan:
Reina R. y Hans van Houwelingen - Anjie
Yolanda M. y Dick Dekker - Anjie
Maricella J. y Robert Bonifacia - Anjie
Joseph R. Anjie y Valeria Lopez
Franklin A. Anjie
Ingrid E. Anjie y Marcel Kouwenberg
Robert F. E. Anjie

Nietonan:
Richard – Michael - Jeroen – Oswald - Barbara - Zavino –
Zhandro- Franklin – Danielle – Suzanne - Amberlee

Bisanietonan:
Ricardo – Luis – Milo – Mick- Mido – Kiki – Sammy –
Xavi – Xem – Tymo - Lilly - Alina – Eiza

su rumannan:
Jacinto Tromp
Tomas y Livya Tromp – Weller

Sobrina y sobrinanan:
Gladys y famia - Franklin y famia – Frederic y famia –
Ester y famia

Cuñanan:
Maria Donata - Alberta Tromp

Demas famia: Tromp - Anjie - Erasmus - Trimon - Jacobs
- Fingal - Geerman - Lacle - Oduber – Farro - Petrochi -
Semeleer – Quilotte - Alvarez

Bisñanan y conociernan y su dos verzorgster Elizabeth
y Maria.

Nos ta pidi nos disculpa si di nos tristesa nos por a lubida
un of otro famia of conocirnan.

Acto di condolencia y entierro lo tuma lugar na Aurora
Funeral Home diabierna 30 di Augustus 2024 di 9'or pa
11'or di mainta. Despues nos lo hiba Crescentia na su
ultimo lugar di sosiego na Santana Catolico na Noord.

Nos ta prefera di no haya bishita di condolencia na cas.



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Su biahe na e mundo aki por a yega na su fin, pero su impacto den nos bida nunca lo termina. Den cada recuerdo keri, su presencia ta keda ancla, brindando nos consuelo y guiando nos pa bai dilanti”. – A.M.

Cu imenso tristesa ta anuncia fayecimento di:



Stefanus Adrianus

Mihor conoci como “Quito”

*02 September 1955 - †20 Augustus 2024

Na number di su:

Casa:

Roslin Kock

Yunan:

Luigi Maduro y Farrah Farro

Amanda Maduro y Alan Coutinho

Letizia Maduro y Yonina Sint Jago

Nieta y nietonan:

Imani, Ezra y Hendrix

Louie y Miles

Rumannan y famia:

†Norma Maduro

†Wijki Maduro, Chibi de Cuba y famia

†Joe Maduro, Myra Maduro-Arends y famia

Freddy Maduro, Gianna Koolman y famia

†Jichi Maduro, Gerry Harmsen y famia

Alchi y Maria Maduro y famia

Demas famia:

Lulu y Neeuw Lioe-A-Tjam y famia

Tur su primo, primanan y nan famia

Swa y cuñanan:

Margriet y Toy Balentin y famia

Niek Kock, Gabiria Kock-Dijkhof y famia

Milly Kock, †Ewoud Jonker y famia

Monty Kock, Roelien Hofman y famia

Evelyn y José Suarez y famia

Ex-coleganan y amistadnan

Ex-coleganan di Colegio Arubano, Colegio EPI, Universidad di Aruba, Simar, Skol & Komunitat, OPPA, Banda Musical OPPA y Chapo Great

Ex-studiantenan di Colegio Arubano, Colegio EPI y Universidad di Aruba

Amistadnan di Colegio Gang 70's y hopi otro amigo-y amiganan na Aruba y den exterior, en especialmente esunnan hopi cerca di curason

Programa:

Acto di despedida ta tuma lugar diasabra 31 di augustus na Pray Funeral Home San Nicolas cuminsando for di 6'or di atardi te 9'or di anochi.

Oportunidad pa condolencia ta di 6 'or pa 8'or p.m.

Reflección riba Quito su bida: 8'or pa 9'or p.m.

Na lugar di krans of flor, lo aprecia un donacion na Fundacion Pasadia Infantil Te Aworo San Nicolas. Lo tin un box disponibel pa donacion.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Lagrima y floran por seca, su recuerdonan y tur loke el a haci y significa pa nos, lo keda graba pa semper den nos mente y curason.

“Cerca Dios mi alma ta na paz, ta di DJ'E mi salvacion ta bin”


Salmo 62:1

Cu dolor na nos curason nos ta anuncia fayecimento di:

Mildred Gertrude de Cuba

Mihor conoci como: “Mimi of Tia Mimi”

*15-03-1941 -
†22-08-2024



Na number di su:

Rumannan:

†Grace, †Hans

†Ronnie, †Rina

Eric y Maria

†Nochi, Joyce

Roy y Mena

Nel y Enid

†Anthony, †Zoraida

Isaac y Claire

Sobrino(a)nan:

Inge, Jerry, Heidi

Marilyn, Astrid, Ronchi, Rachelle

Eric Jr, Gillian, Javier

Ariadne, Diantha, Norman Jr.

Dorothy, Astrid, †Ricky, Roberto

Diahnne, Lionel

Isaiah, Zoë

Nigel, Nadine

Tanta:

Rina Arends-de Cuba y famia

Candi de Cuba y famia

Demas famia, primo(a)nan, amistadnan y bisñanan.

Ta invita pa e acto di condolencia y entierro cu lo tuma lugar Diasabra 31 di augustus 2024 na Aurora Funeral Home di 9:00 am pa 11:00 am y despues lo Sali bai pa santana catolico na Playa. Considera esaki como un invitashon personal.

Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Dios ta nos refugio,
E ta nos fortaleza,
El a resulta un yudador den mester.
Salmo 46:1

Cu dolor na nos curason, nos ta participa fayecimento di nos ser stima:

Sady Sixto Ignacio

*06-08-1950 - †28-08-2024

Acto di entierro lo wordo anuncia despues



Aurora

Royal Pray

Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

Ki alegría, ora nan a bisa mi:

“Ban cas di Señor!”

I awor, ata mi aki para na bo porta Señor.

Salmo 122

Cu dolor na nos curason pero conforme cu Dios su boluntad, nos ta anuncia fayecimento di nos casa, tata, welo, bisawelo, ruman, omo:

Vicente Querino Ras

Cariñosamente yama: “Querino”

*19-07-1946 -
†22-08-2024



Na number di su:

Esposa:

Heddy Ras-Ponson

Yunan:

Deyanira y †Mervin Tromp-Ras

Jairo

Vladimir y Stephanie Ras- Biladeau

Renwick y pareha

Nieto(a)nan:

Raimbert Ras y Teresa Tromp

Marvelynne Tromp y Jermaine Wilson

Myron Tromp

Ayrton Ras y Myriexmar Nuboer

Manuela Gonzalez

Adriana Ras

Shayla Biladeau

Bisanieto(a)nan:

Ashton

Axmary

Luciana

Rumannan:

†Maximon & †Brunetta

Olga y †Maximo

Joseph y Mirna

Ivanio y Reinalda

Juancito y Annelies

Su Iha:

Monique Kemp-Ras

Tur subrino y subrinanan, primo y primanan,

Su care givers nan di Koningin Wilhelmina Kankerfonds sra.

Evi Popke, Joe Dirks y Lola Geerman

Famianan:

Ras, Ponson, De Mey, Tromp, Wanopa, Nicholson, Biladeau, Quandus, Webb, Wauben, Capriles, Curie, Winterdaal, de Cuba, Kock, Dirks, Donata, Olive, Maduro, Croes, Kelly, Wilson, Pabon, Baarh, Chen, Pellemans y demas famianan na Aruba, Merca y Hulanda.

Gruponan:

Coro La Escala

Koor Amical

Academia Musical Harpa y Cuarta

Flor di Aloe

Koor San Fransisco

Ta invita demas famia, bisña, amigo(a)nan y conocirnan pa asisti na e acto di entierro cual lo tuma lugar Diabierna 30 Augustus 2024 na Pro Cathedral San Francisco for di 2'or pa 4'or di atardi. Despues nos lo hiba Querino na su ultimo lugar di sosiego na Santana Catolico na Paradera.

Oportunidad pa Condolencia lo tuma lugar Diahuebs, 29 di Augustus 2024 na Aurora Funeral Home for di 7'or pa 9'or di anochi.

Nos disculpa cu si den e momento nan di tristesa aki nos por a lubida di menciona un famia of conocir.

Ta lamenta cu despues di entierro nos no por ricibi bishita di condolencia na cas.

*Mirando e tremendo cuido y atencion brinda door di Koningin Wilhelmina Fonds un donacion lo ta altamente aprecia. Lo tin un box disponible pa esaki.

Gobierno di Polonia ta planeando gastonan di defensa record den su presupuesto di 2025

(AP)—E proposicion di presupuesto di Polonia pa 2025 ta inclui gastonan record pa defensa—un suma di 187 miyon dollar, segun oficialnan a bisa diaran-son.

Prome minister Donald Rusk a presenta e puntonan principal di e presupuesto pa e nacion, cual ta comparti frontera cu Ucrania y unda preocupacionnan di seguridad ta halto. Tusk a describi e proposicion di presupuesto como “generoso” y apoyando mas crecimiento economico.

“E ta un gran esfuerço, pero no tin manera pa bira back riba dje,” Tusk a bisa duran- te un conferencia di prensa, refiriendo na e fondo di e



sector di defensa.

E minister di Finanzas Andrzej Domanski a bisa cu e propuesta di gastonan pa de- fensa lo constitui di 4.7 por- ciento di e GDP, compara cu

4.2 por ciento e aña aki, cual ya ta haci Polonia un lider den NATO y den e Union Europeo.

E proposicion actual lo kibra e record di gasto pa defensa

anterior di 41.5 biyon dollar den e presupuesto di 2024. Tusk a bisa cu e lo ta un pre- supuesto di “construccion y forsa” y lo contribui na reen- forzando e seguridad di Polo- nia, cual tambe ta inclui e se- guridad sensitivo di energia. Polonia, cual ta apoya Ucran- ia contra e invasion di Rusia, ta haciendo compras grandi di ekipahe militar, incluyen- do fighter jets, tanki- y siste- manan di misil for di Merca y Sur Korea.

Aproximadamente 1.2 biyon dollar a ser aloca pa e con- struccion di e prome planta nuclear di Polonia, cual ta anticipa lo ser operacional na 2035. Tusk a bisa cu trabao pa prepara e infraestructura nece- sario ta bay cuminsa. Polonia

ta tumando stapnan durante e ultimo añanan pa corta su de- pendencia di fuentenan ener- getico biniendo for di Rusia, manera gas y azeta.

Ta anticipa cu e crecimiento economico di Polonia lo ta 3.9 por ciento otro aña, compara cu 3.1 por ciento na 2024. Ta anticipa un grado di inflacion di 5 por ciento, un aumento for di 4 por ciento e aña aki. E deficit lo yega 75.3 biyon dol- lar, segun Domanski.

E plan di presupuesto los ser discuti cu e sindicatonan di comercio y mester aprobacion for di e legisladornan di Polonia y presidente Andrzej Duda.

Aurora Royal Pray Funeral Home & Crematory

Cumana # 76 & # 44/ van Speyckstraat # 1
Oranjestad, Aruba
Telephone: (297) 588-6699
E-mail: info@aurorafuneralaruba.com

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso tristeza na nos
curason, nos ta participa
fayecimento di mi esposa

**Violeta Madeleine
Reyes-Lam**
*02-09-1942 - †25-08-2024



Na number di su:
Esposo: Ramon (Monchi) Reyes

Ruman: Jean y Lucas Morales-Lam

Sobrino: Melissa Morales

Sobrino: Armando Morales

Demas famia: Reyes, Soto, Lam, Morales, Maduro, Tromp, Bustillo, Quandt, Wever, Ridderstap

Amidastadnan y amiganan

Oportunidad pa despedida lo tuma lugar diahuebs 29 di augus- tus 2024 na Aurora Funeral Home di 2:00 pa 4:00 pm, sigi pa e acto di cremacion.

Despues di entierro no ta ricibi bishita di condolencia na cas.

Lider di Spaña ta bishita Gambia como parti di tour West Africano pa aborda migracion iregular

(AP)—Prome minister Spaño Pedro Sánchez a bishita Gambia ayera como parti di un biahe den e tres nacion West Af- ricano diseña pa aumenta cooperacion den control di migracion iregular for di e region pa e Islanan Canarias di Spaña.

Sánchez a reuni cu e presi- dente di Gambia Adama Bar- row y a bisa despues cu e dos pais a acorda pa traha hunto riba seguridad, como tambe riba oportunidadnan pa mi- gracion legal y temporario, pero e no a duna mas detaye. “Spaña, mi pais, kier duna un impulso nobo na nos relacion cu Africa,” Sánchez a bisa den e capital, Banjul.

Esaki tabata e prome biaha cu un prome minister Spaño a bishita e pais chikito di 2.7 miyon habitante. Sánchez a cuminsa su tour diamars na Mauritania, unda el a bisa cu Spaña lo renoba cooperacion entre e forsanan di seguridad di e dos nacion pa combati hende cu ta trafica. E ta pla- nea pa reuni cu lidernan na Senegal awe.

E tres nacion Africano costero a bira e punto di salida princi- pal di migrantenan purbando di yega e Islanan Canarias, un archipelago Spaño localisa cerca di e costa Africano y usa como un punto di alivio pa migrante- y refugiadonan



purbando di yega e conti- nente di Europa.

Mas cu 22,000 hende a de- sembarca riba su costanan desde januari, segun e min- isterio di Asunto Interior di Spaña, mas cu dobel e canti- dad di yegadanan iregular pa e mesun periodo aña pasa.

Sánchez tambe a reuni cu un cantidad chikito di agen- tenan policial Spaño cu ta den Gambia pa yuda e pais cu su frontera. Barrow a gradici Spaña pa e ayudo di e agen- tenan pa aborda migracion iregular, bisando cu nan a provee cooperacion “fantas- tico.” Entre migrantenan yegando e Canarias ta miles di refu-

giadonan Maliano huyendo violencia y instabilidad den e nacion Saheliano como tambe hobennan for di Sen- egal, Mauritania y otro pais West Africano cu ta buscando miho oportunidad di trabao afo. Tambe tin mas adoles- cente- y muchanan biahando nan so pa e Islanan Canarias, cual a aumenta e responsabi- lidad di e gobierno local pa nan cuido.

Mas cu 4,000 Gambiano a yega Europa via e ruta pelig- roso Atlantico aña pasa segun e agencia di migracion di e Organizacion di Nacionnan Uni (ONU). Mas cu miles a muri y al menos 150 otro a disparce.

ONU ta existi pa stop atake escalando entre forsanan di Hezbollah y Israel

(AP) — Consejo di Seguridad di ONU ayera a existi pa stop e atakenan escalando entre militantenan Libanes, Hezbollah y forsanan Israeli, advertiendo cu mas escalacion “tin riesgo di conduci na un conflicto amplio.”

Israel, y Hezbollah cu sosten di Iran, a hala atras despues di un intercambio di candela pisa a traves di e frontera delinea pa ONU entre Libanon y Israel durante weekend. Pero nan conflicto, decadas bieu, ta leu di caba y tension regional vincula na e guerra na Gaza ainda ta halto.

E exigencia di Consejo di Seguridad pa Israel y Hezbollah stop hostilidad – cual no ta legalmente obligatorio – a yega den un resolucion prepara pa Francia, aproba unan-



imamente pa su 15 miembro, urgendo e “actornan relevante” pa restaura “trankilidad, restriccion y estabilidad.” “E riesgo di guerra abierto ta keda real, y nos ta mobilisa

hunto cu nos partnernan regional y internacional pa evita conflagracion regional,” embahador interino di Francia na ONU, Nathalie Broadhurst a bisa prome cu e voto.

Embahador di Israel na ONU, Danny Danon a bisa reporteronan cu e tabatin un mensahe pa pueblo Libanes: “Boso y boso gobierno tin un escogencia pa haci, confronta Hezbollah awe of mira mientras ta hundi boso pais den caos y destruccion.”

Representante Libanes, Hadi Hachem tabata hopi mas diplomatico, gradiciendo e conseho despues di e voto pa su mensahe cla “na favor di estabilidad y un alto-al-fuego.” Y el a urgi miembronan: “Ban vota hunto, no solamente pa caba cu escalacion,” pero pa “un paz husto y comprensivo.”

E resolucion a extende cu un aña mas e mandato di un forsa di paz di ONU na Libanon, conoci como UNIFIL, cu a ser crea pa supervisa e retiro di trupanen Israeli for di sur di Libanon despues di un invasion na 1978 y cu t’ey desde e tempo ey.

Conseho di Seguridad a expande e mision despues di un guerra na 2006 entre Israel y Hezbollah pa asina e soldadnan di paz por keda desplega na e frontera Libanon-Israel pa yuda trupanen Libanes extende nan autoridad den sur di nan pais pa prome biaha den decadas. E resolucion ey tambe a haci un yamado pa un paro total di hostilidad entre Israel-Hezbollah, cu no a sucede.

Sostenedornan di Hezbollah na Libanon frecuentemente ta acusa e mision di ONU di colusion cu Israel, mientras Israel ta acusa e mision di paz di ignora e actividadnan militar di Hezbollah den sur di Libanon.

Durante e enfrentamento andando entre Hezbollah y forsanan Israeli den sur di Libanon, facilidadnan di UNIFIL of miembronan di e mision di paz a ser alcanza pa bom of tiramento na varios ocasion.

Danon a culpa Hezbollah pa lansa atakenan no-provoca contra Israel cuminsando e dia despues di e atakenan di Hamas dia 7 di october den sur di Israel, cu a inicia e guerra na Gaza. Desde esey, el a bisa, mas cu 8mil raket, 300 drone explosivo y 1,500 misil anti-tank a ser lansa contra Israel, forsendo mas di 60mil Israeli den nort pa bandona nan cas.

Danon a acusa Hezbollah di dispara for di sur di Libanon – dentro di area di operacion di UNIFIL – den violacion di e resolucion di alto-al-fuego di 2006 y a muestra e conseho potret cu el a bisa tabata cerca di algun di su facilidadnan.

El a bisa cu no ta bay tin estabilidad mientras ta ignora e “acumulacion militar masivo” di Hezbollah, el a bisa. Israel ta determina pa debolbe nan civilnan na nan hogar, y mientras ta faborece diplomacia, Danon a adverti cu “tempo ta cabando.” Si diplomacia fracasa, “nos ta bay usa tur medio necesario pa restaura trankilidad y estabilidad na nort di Israel,” el a bisa.

Aliado di Israel, Merca a sostene e derecho di Israel pa defende su mes di atakenan di Hezbollah. “Libanon no mester ta un refugio pa organisacionnan terrorista ni un pad pa lansa atake contra Israel,” embahador interino di Merca, Robert Wood a bisa e conseho, bisando cu Iran ta violando e embargo riba arma den resolucion di 2006 door di provee Hezbollah cu mayoria di arma cu ta lansa contra Israel.

Like us on Facebook
facebook.com/bondianoticia

Aruba Bank a presenta solucionnan innovativo di banco na The Ritz-Carlton

Recientemente Aruba Bank a forma parti di un presentacion na The Ritz-Carlton, Aruba, caminda representantenan di e banco a presenta e producto y servicionan di banco diseña pa cubri e necesidadnan pa cada cliente.

Durante e evento, representantenan di Aruba Bank a duna 2 session di presentacionnan interesante tocante e solucion financiero cu e banco ta ofrece, incluyendo productonan di banco, servicionan, y innovacionnan di

digital banking cu servicionan self service. Esnan cu a asisti tabatin e oportunidad pa siña mas tocante con Aruba Bank ta compromete pa duna un experiencia superior y solucion adapta cu ta cubri e necesidadnan di cada persona den nos comunidad.

E evento tabata bon asisti, cu un grupo diverso di clientenan, y tur presente a participa na sesionnan interactivo y oportunidadnan pa network. Representantenan di Aruba Bank tabata cla pa contesta preguntanan y duna conseho personalisa.

